

4878

891.85

0-30

9011

2003

ԹԻՖԼԻՍԻ ՀԱՅՈՑ ՀՐԱՏԱՐԱԿՉԱԿԱՆ ԸՆԿԵՐՈՒԹԻՒՆ

№ 165

ԷԼԻԶԱ ՕԺԵՇԿՕ

# ՀԶՕՐ ՍԵՄՄՈՆ

Թ.Ա.Գ.Մ. ՌՈՒՍԵՐԵՆԻՑ

ԱՐԽԵՏԻՄ ԱՀԱՐՈՆԵԱՆԻ

Թ Ի Յ Լ Ի Ս

Տպարան Մ. Վարդանյանցի  
Тип. М. Вартанянца, Вельям. ул. д. № 7.  
1899

891.85  
0-30

ԹԻՖԼԻՍԻ ՀԱՅՈՑ ՀՐԱՏԱՐԱԿՉՈՒԹՅԱՆ ԸՆԿԵՐԱԹԻՒՆ

891.85-3 № 165

0-30

կր. ԷԼԻԶԱ ՕԺԵՇԿՕ

# ՀԶՕՐ ՍԱՄՄՈՆ

Թ.Ա.ԲԳԾ. ՌՈՒՍԵՐԵՆԻՑ

ԱՆԵՏԻՍ ԱՀԱՐՈՆՅԱՆԻ



Թ Ի Ֆ Լ Ի Ս

Տպարան Մ. Վարդանյանցի  
Тип. М. Вартамянца, Вельям. ул. д. № 7.  
1899

6336

1504

g

Дозволено Цензурою, Тифлисъ, 13 Іюня 1899 г.

— 1 —

### ՀԶՕՐ ՍԱՄՍՈՆ

Եթէ, ընթերցող, դուք երբևիցէ կամենաք գտնել «Ջհուգ» բառի նշանակիչը՝ վերցրէք մի պատմական բառարան, բաց արէք նրա մէջ «Կ» տառը, և երբ գտնէք Կրեսոս անունը՝ տակը խաղեցէք—դուք գրտակ ձեր փնտռածը: Կրեսոս՝ Ջհուգ բառի հոմանիշն է: Ջհուգ և Կրեսոս—բոլորովին միևնոյնն է: Ամեն մարդ լաւ գիտէ, որ հրէականների գլխաւորներն են Րօդըշիլ՛գներն և ապա ուրիշ բանկիրները, որոնք—Աստուած գիտէ—քանի՛-քանի միլիոնների, նկարներով, արձաններով ու հայելիներով լի պալատների տէր են: Այստեղից էլ ուղիղ կարելի է գալ այն եզրակացութեան, ինչպէս երկու անգամ երկու՛ չորս, թէ Րօդըշիլ՛գներին և բոլոր միւս բանկիրներին ծնող ցեղը շատ հարուստ է և ապոււմ է միլիոնների, արձանների, պատկերների ու հայելիների մէջ. իսկ եթէ այդ ցեղի

գաւակներից մէկն ու մէկը չէ լողում ճոխութեան մէջ՝ դա միայն այն պատճառով, որ ինքն չէ կամենում, բայց եթէ կամենայ՝ անպատճառ կհասնէ իւր ուզածին:

Հարուստ ցեղ և, իհարկէ, բախտաւոր ցեղ: Ես կատարելապէս հաւատում եմ նրա բախտաւորութեան. բայց զարմանում եմ միայն մի բանի վրայ, թէ ինչո՞ւ Հերշոուն որդին և Յիպալի ամուսին Շիմշելը՝ ամենեւին ոչինչ չգիտէ այդ հարստութեան և դրանից բխող բախտաւորութեան մասին: Սկզբում ես կարծում էի, թէ Շիմշելը գիտամբ է աղքատ ձեանում, որպէսզի աւելի լաւ լիմարացնէ «Գոյերին» \*), որոնցից մէկին նա անշուշտ ընտրել է իւր համար զոհ, որին դատապարտել և վաճառել է նոնան Կագալի վարչութիւնը (չէ որ վերջին ժամանակ մեզանում այնքան շատ խօսուեց Մերօպիաների մասին\*\*):

\*) Գոյ—այսպէս են կոչում հրէաներն անհաւատներին—քրիստոնէականներին:

\*\*) Հրէաների մէջ Մերօպիա ընդհանրապէս նշանակում է ծանօթ, իսկ մասնաւորապէս՝ կլիենտ, որի հետ հրէան առևտրական գործեր է վարում:

Բայց որքան մեծ եղաւ իմ զարմանքը, երբ աւելի ստույգ քննութիւնից լստոյ ես համոզուեցի, որ Շիմշելն իսկապէս ոչ մի Մերօպիա չունի, իսկ հարստութեան, իբրև երջանկութեան աղբիւրի մասին, նա ոչ մի հասկացողութիւն չունի: Ինչ վերաբերում է ոսկեզօծ կահկարասիքին, արձաններին և հայելիներին՝ ես կասկածում եմ թէ Շիմշելն իւր ամբողջ կեանքում երբեւիցէ այդ բաները տեսած լինի, եթէ հայելի չհամարենք քառորդ արշինաչափ ապակու այն կրտորը, որը փայտեայ հասարակ շրջանակով առանց որևէ ոսկեզօծութեան կախ է տուած Յիպալի պահարանի վերևում և դէպի որը ես թերիկը, Շիմշելի վեցամեայ աղջիկը,

---

եթէ կլիենտը նոյնպէս հրէայ է. իսկ եթէ Մերօպիա—կլիենտը լինում է ոչ հրէայ՝ այն ժամանակ հրէական Կագալը, հրէաների մէջ մրցութիւն առաջ չբերելու համար, այդպիսի Մերօպիային յանձնում է մի հրէայի բացառիկ յանգործութեան, որոջ վճար ստանալով յօգուտ Կագալի: Եյսպիսով առաջ է գալիս մի տեսակ պայման, որի զօրութեամբ Կագալի կողմից իբրև Մերօպիա վաճառուած անձը չէ կարող ոչ վաճառել և ոչ դնել առանց այն հրէայի միջնորդութեան, որ նրա վրայ Մերօպիայի իրաւունք է ձեռք բերել:

օրական մի քանի անգամ մագլցելով բարձրանում է, որպէսզի զուարճանայ իւր կայոյտ աչքերով և հրագոյն գանգուրներով:

Ուրիշ հայելիների մասին Շիմշելը ոչինչ չգիտէ բացի այն հայելուց, որի մէջ շարունակ ցոլանում է կեղտոտ պատի մի մասը և Նսթերիկի դուրս ցցուած քիթը, ինչպէս նա չգիտէ նաև շատ ամենահասարակ բաների և երևոյթների մասին: Ես ամօթով պէտք է խոստովանիմ, որ իմ վէպի հերոսի գիտութեան շրջանը շատ նեղ է:

Սակայն իւր սենեակը, որ տասը քալլ երկայնութիւն և հինգ քալլ լայնութիւն ունի՝ նա շատ լաւ ճանաչում է, առաջին՝ այն պատճառով, որ ասլրում է նրա մէջ տասն և երկու տարի, երկրորդ՝ որ այնտեղ ոչինչ չկայ, բացի երկու մահճակալից, ծածկուած ճակնդեղագոյն վերմակով, մի ահագին վառարանից, անգուռնդի նման սև հնոցով, մի լուսամուտից, կիսով չափ փտած շրջանակով, մի սեղանից, երեք աթոռից, մի կատուից և հինգ երեխաներից:

Իւր երեխաներին Շիմշելը շատ լաւ է ճանաչում, որովհետև նրանց սաստիկ սիրում է: Վերջապէս ինչպէս կարող է չսիրել նրանց, երբ այդ երեխաները միանգամայն

զարմանալի են, զարմանալի գեղեցիկ, զարմանալի խելացի և բարի: Իսկապէս այդ մասին խօսելն էլ աւելորդ է, սակայն Յիպան շատ յաճախ է խօսում, և Շիմշելը երբէք չէ վիճում նրա հետ: Ընդհակառակը, նա ինքն էլ խորապէս զգում է իւր երեխաների բոլոր արժանաւորութիւնները և Յիպայից ոչ պակաս զմայլում է նրանց վրայ, թէև լուռ կերպով, հակառակ իւր ամուսնու շատախօսութեան:

Այդ երեխաներից ամեն մէկը որքան մխիթարութիւն է պատճառում նորան: Եսթերիկն օրինակ... դա կրակ է, հօ երեխայ չէ: Ոտնամաններ նա միմիայն շաբաթ օրերն է հագնում և այն էլ ինչպիսի ոտնամաններ. հին շորեր վաճառող պառաւի գամբիւղից հանուած այդ ոտնամանները, որ տուաջ մի օրէէ հարուստ երեխայ հագել մտշել է, երբեմն ատլասից կամ բարակ սեկից կարուած, երբեմն կապտագոյն կամ ծիրանի, բայց միշտ կարկտած ու պատառոտած: Սակայն ոտնամաններով թէ առանց ոտնամանների՝ նրա փոքրիկ ոտիկները անդադար պտտւում են սենեակի մէջ, բարձրանում են մօր պահարանի վրայ, ցատկոտում են բակի սալայտակի վրայ կամ ցանկա-

պատից քաջ են ընկնում հարեանի բակը: Նրա շարունակ խճճուած մագերը համարեա բոլորովին ծածկում են նրա փոքրիկ կլոր դէմքը բուստանման շրթունքներով: Այսպէս է Եսթերիկը, Շիմշելի երրորդ գաւակը, ըստ կարգին:

Հիանալի զոյգ է կազմում նրա հետ Մէնդելը, նրա հինգ տարեկան փոքրիկ եղբայրը, իւր մի քանի բնորոշ գծերով: Սակրում է վարդագոյն կտաւից կարած բաճկոն, որից քաջ են ընկած սպիտակ ժապաւէններ: Մէնդելը շարունակ կոխ է տալիս այդ ժապաւէնները, յաճախ վայր է ընկնում և իւր սուր ճիչերով թնդացնում է ամբողջ սենեակն ու նեղ բակը: Բայց որովհետև այդ ճիչերի վրայ ոչ ոք ուշադրութիւն չէ դարձնում՝ ուստի Մէնդելը շուտով լռում է, և ինքն իրան բարձրանում է գետնից, ուղղում է գլխարկը իւր հրագոյն, երկար մագերի վրայ, որոնք նման են քրոջ մագերին, և Եսթերիկի ընկերակցութեամբ սկսում է նորից ցանկապատների, աղբակոյտների և ճօճուող տախտակների վրայ կատարել մի տեսակ լարախաղական վարժութիւններ: Շիմշելը լուսամուտից նայում է մանուկներին խաղաղ, ուրախ ժպիտով: Աւսր,

Մէնդելի համար շուտով կվերջանայ անսահման ազատութիւնը և անդորր ուրախութեան ամենալաւ շրջանը: Երկու ամսից յետոյ կը լրանայ նրա հինգ տարին, և նա պէտք է սկսի գիտութիւնների կանոնաւոր դասընթացը: Նա առանց այդ էլ շատ յետ է մնացել: Մի տարի առաջ նրա և ծնողների մէջ բանակցութիւններ տեղի ունեցան խէդէրը (դպրոցը) յաճախելու վերաբերմամբ: Այդ ժամանակ Մէնդելը ոչ մի կերպով չընդունեց առաջարկուած պայմանները. նա չէր ուզում գնալ խէդէր, պրծաւ-գնաց: Երկու թաթիկներով մօր շրջագրեստից կախուելով՝ նա նստեց գետնին, ոտքերը դէմ տուեց, սկսեց յուսահատ լալ և չգնաց: Սկզբում Յիպան բարկանում յուսահատուում էր, տեսնելով իւր չորս տարեկան որդու այդ զգուանքը դէպի գիտութիւնն ու նրա ներկայացուցիչը, դէպի այն երկար մօրուքով, կորացած մէջքով և խիստ հայեացքով մեղամեղը (ուսուցիչը), բայց Շիմշելն շտապեց մխիթարել նրան.

— Երբ ես նրա տարիքն ունէի՝ նոյնպէս վազվզում էի փողոցներում և խաղում էի հասակակիցներիս հետ... բայց տեսնում ես ինչի եմ հասել այժմ... նա էլ մի օր կը հասնէ, իսկ այժմ թող դեռ մեծանայ:



Բայց Շիմշելի աւագ որդին, իննամեայ  
 Ենովքը, հինգ տարի է ահա որ այցելում է  
 խէղէրը, կարողանում է լաւ կարգալ հին  
 հրէական լեզուով, մեծ հմտութիւն է ձեռք  
 բերել Հումելի կամ Մովսէսի Հնգամատենի  
 մէջ և սրանից մի տարի աւաջ արդէն ոտք  
 կոխեց գիտութեան բարձրագոյն աստիճանի  
 վրայ—նա սկսեց սովորել Թալմուդը:

Զլսուած յաջողութիւն: Չարմանալի չէ  
 ուրեմն, որ վայելչահասակ մանկան սև ու  
 անսովոր կերպով չափ, խոր ընկած աչքերը  
 նիհար, գունատ զէմքի վրայ վառուում են մի  
 տեսակ այրող և միևնոյն ժամանակ տխուր  
 կրակով, ասես թէ շարունակ վշտանում և  
 ցաւում են մի ինչ-որ բանի համար: Սկզբ-  
 բում փոքրիկ Ենովքը գանգատուում էր իւր  
 մեկամեղի խտութիւնից և ցոյց էր տալիս  
 անգութ կերպով քաշքշուած իւր ականջ-  
 ները: Նա կամացուկ ասում էր մօրը, թէ  
 իւր ուսերն ու գլուխը ցաւում են, ուսերը՝  
 մեկամեղի հարուածներից, իսկ գլուխը՝ ու-  
 ղեղը ծանրաբեռնող գիտութիւնների առա-  
 տութիւնից: Բայց Ենովքի գանգատները բա-  
 նի տեղ չանցան և շուտով ընդհատուեցին:  
 Ենովքի մեկամեղը Օնգրոգ քաղաքի մեկա-  
 մեղներից ամենաէփանն էր:

Չնայելով որ Բողշիլդներն և ուրիշ  
 քանկիրները պատկանում են հրէական ցե-  
 ղին, այնու ամենայնիւ Շիմշելի ու Յիպան  
 անկորող էին դասագին վճարել այնպիսի մե-  
 լամեղի, որ իւր գիտական հմտութիւնների  
 հետ միասին ունենար և հեղութիւն: Այդ  
 պատճառով Ենովքը, չնայելով իւր յառաջա-  
 դիմութեան՝ չունէր այն ներքին գոհունա-  
 կութեան զգայմունքը, որ սովորաբար ունե-  
 նում են գիտութեան ասպարէզում բախտա-  
 ւորները. արտաքուստ նա ամենևին նման  
 չէ ոչ երջանիկ, ոչ էլ աւողջ երեսուցի: Խէ-  
 դերից վերագառնալով՝ նա սովորաբար նըս-  
 տում է սենեակի մի անկիւնում յատակի  
 վրայ, քաշում է ճակատի վրայ իւր մաշ-  
 ուած գլխարկը (նա շատ ջերմեռանդ է, և ոչ  
 մի րոպէ գլխաբաց չէ մնում) և խոր մտած-  
 մունքի մէջ՝ փայտով քերում է յատակը  
 ծածկող աղբը կամ շոյսւմ է կատուին, նայ-  
 ելով նրա աչքերին իւր տխուր մեծ աչքե-  
 րով: Փոքրիկ կատուն, որին մի ժամանակ  
 փողոցից բերել է Յիպան՝ այժմ մեծացել է  
 և բացի Ենովքի համակրութիւնից, վայել-  
 լում է նաև մի ուրիշ անձի համակրութիւնը:  
 Այդ անձը Շիմշելի մեծ աղջիկն է,  
 տասնամեայ, վայելչահասակ, նիհար Լիբան,

որ միշտ հազում է: Նրա դէմքը հիւանդի գունատութիւն ունի, և բաց մոխրագոյն աչքերի արտայայտութիւնը վկայում է, որ նա գիտէ տանջանքը համբերութեամբ կրել: Նրա վուշի գոյնի մազերը յետևում հիւսուելով կազմում են մի կարճ ծամ: Նա համարում է հասած աղջիկ, տնտեսութեան մէջ փոխանակում է մօրը և վերջինիս յաճախակի բացակայութեան միջոցին խնամում է ընտանիքի փոքրահասակ անդամներին: Նա վառում է վառարանը, ջուր է բերում մօտակայ ջրհորից, պատրաստում է կերակուր, շաբաթը մի անգամ աւելում է յատակը և օրական հարիւր անգամ անախօրթութիւններ կրում Եսթերիկի և Մէնդելի երեսից, որոնց նա շարունակ ստիպուած է փնտռել, կանչել, մխիթարել կամ յանդիմանել: Եւ այս բոլորը չեն արգելում նորան՝ բրդեայ գուլպաներ գործել: Ահա վեց տարի է արդէն, որ նա գուլպաներ է գործում թէ մօր համար, թէ իւր համար և թէ ամբողջ ընտանիքի համար, իսկ տնտեսական ծանր ճգնաժամերում նաև վաճառելու համար: Երբեմն սատիկ յոգնածութիւն զգալով՝ նա նստում է ցածրիկ աթոռի վրայ վառարանի մօտ և ձեռները կախ է ձգում ծնկների վրայ: Բայց

նրա հանգստութիւնը երկար չէ տևում: Ամենից յաճախ հէնց այդ ընդհանրում երկամեայ Լէյզերի խելքին փչում է անցուդարձ անել սենեակում: Նա փայլում է եռանդով, շարժում է ձեռները, ապա վայր է ընկնում, սկսում է ճուլ, ու Լիբան վեր է կենում, բարձրացնում է նրան գետնից և օրօրում է այնքան ժամանակ, մինչև որ երեսան հանգստանում է և սկսում ժպտալ իւր վրայ կուցած քրոջ երեսին: Այն ժամանակ Լիբան դնում է նրան օրօրոցի մէջ և փորձում է հեռանալ, բայց Լէյզերը մի նոր ողբաձայն ճիչով ցանկութիւն է յայտնում, որ նա իւր մօտ մնայ: Օրօրոցը կախուած է Լիբայի մահճակալի մօտ, մահճակալը առանց այն էլ բարձր է, բայց աւելի բարձր է երևում իւր վրայ դարսած փետրալից դօշակներից: Չը նայելով իւր հասակին՝ Լիբան դժուարանում է բարձրանալ մահճակալի վրայ. նա մի կերպ մագլցելով բարձրանում է, նստում է դօշակների վրայ, օտքը յենում է օրօրոցի եզրին, մի կողմից գուլպայ է գործում և միւս կողմից լաւ հսկում է Լէյզերի վրայ, որ թէև նիրհում է՝ բայց ժամանակ առ ժամանակ այնու ամենայնիւ բաց է անում աչքերն իմանալու համար, չհեռացնու ար-

գեօք քօյրն իւր մօտից: Չգիտեմ, արդեօք երեխայի քնաթաթախ աչքերը նկատու՞մ են, թէ ինչպէս որոշ ու միևնոյն ժամանակ ինչպէս տարօրինակ է երևում աղջկայ գըլուխն իւր գունատ դէմքով և խոնարհած արտևանունքներով, նրա չորս կողմը բարձրացող գօշակների և բարձերի ճակնդեղագոյն ֆօնի վրայ:

Այսպէս են Շիմշելի երեխաները. իսկ սով է ինքը Շիմշելը: Ո՞վ է նա, այսինքն ինչ ծագումնից է և ինչ դիրք ունի հասարակութեան մէջ:

Ես չեմ կարող ձեզ ասել, թէ սով է Շիմշելի հայրը: Հաւանաբար նա ջրկիր կամ կօշկակար է եղել: Ոմանք ինձ այսպէս են ասել, ոմանք այնպէս, թէև ամենքն էլ մի կէտում համաձայն են, որ նա, երևի, շատ աղքատ է եղել, քանի որ իւր որդին կրթութիւնը սկսել է Տալմուտօրում, այսինքն ձրի դպրոցում: Նրա հասարակական դիրքը պէտք է որ շատ բարձր լինի. յիշեցէք թէ ինչպէս Շիմշելն ասում էր իւր կնոջ. «ահա թէ ես ինչի՞ եմ հասել»:

Այն մարդը, որ արտասանում է այս խօսքերը հպարտութեամբ և ինքնաբաւականութեամբ՝ իհարկէ իրապէս հասած կլինի

մի կարևոր դիրքի: Շիմշելն այնպիսի դիրք ունի, որը մենք բոլորս սովոր ենք բարձր համարել, մի դիրք, որ զարթեցնում է ընդհանուր յարգանք, նա... Ես իհարկէ կզարմացնեմ ձեզ, երբ ասեմ, որ Շիմշելը գիտնական է: Սա բոլորովին չի հակասի իմ նախկին խօսքերին, թէ Շիմշելի ուսման և փորձառութեան շրջանը խիստ նեղ է՝ եթէ դուք մի րոպէ դուրս ձգէք ձեր յիշողութիւնից բոլոր ձեզ յայտնի համալսարանները, ճեմարանները, ինստիտուտները, որոնք տալիս են իրանց սպաներին գիտնականութեան վկայականներ, գիտութեան այս և այն, ձեզ թէկուզ անուսով միայն յայտնի ասպարէզում: Այն հաստատութիւնները, որտեղից Շիմշելը ձեռք է բերել իւր հմտութիւնները՝ կօչուում են՝ Տալմուտօր, Եշիբօտ և Բիդ—խա—միդ—դրաշ, այսինքն տարրական ուսումնարան, գիմնազիա և համալսարան: Բոլոր հրէաները յաջորդաբար չեն անցնում ուսման այդ բոլոր աստիճանները. կան այնպիսիները, որոնք անընդունակութեան կամ ուսման սէր չունենալուն համար կանգ են առնում առաջինում կամ երկրորդում: Շիմշելը կանգ չառաւ և անցաւ բոլորը: Մինչև իսկ աւելի վերջացնելով ամբողջ դասընթացը և տասն-

ութ տարեկան հասակում ամուսնանալով՝ նա այնու ամենայնիւ շարունակեց իւր ուսումը: Նա նոյն-իսկ այժմ այցելում է Բիգ — խա — միդըրաշը, սովորում է և ամբողջ գիշերներ իւր սենեակի մէջ նստում է սեղանի առաջ:

Ի՞նչ է ուսումնասիրում նա: Իւր կրօնը, նրա պատմութիւնը, որ չափազանց հարուստ է, նրա բնագանցութիւնը և նրան զարդարող աւանդութիւնները, զրոյցները, ակսիօմաները, լեկենտանները, որոնց մեծ մասը — չգիտեմ կհաւատնօք դուք ինձ, — կարող են հաւասարուել մարդկային մտքի մարդարիտներին: Շիմշելը... ի՞նչպէս աւելի պարզ ասեմ... աստուածաբան է և բնագանցութեան փիլիսոփայ, որոշ չափով պատմաբան է, գոնէ այն մասում, որ սերտ կապով և անմիջապէս շարկապուած է հրէական ազգի անցելի և նրա կրօնի հետ: Գիտութեան այս շրջաններէից դուրս նա կատարելապէս ոչինչ չը գիտէ. նա միայն իւր մասնագիտութեան մէջ է կատարելագործւում և դրանից դուրս միտնգամայն ոչինչ չէ անում: Գիտական պարսպմունքները, որոնք ոչինչ ընդհանուր բան չունին առօրեայ կեանքի պահանջների հետ, անշուշտ Շիմշելին և նրա հինգ երե-

խաներին կհասցնէին ամենայրուսահատ գրութեան՝ եթէ որ նա իւր կեանքի տասնութամեայ հասակում չամուսնանար տասնվեցամեայ Յիպայի հետ: Յիպան մի համեմատաճառի խանութում գործակատարուհի էր. շատ լաւ գիտէր վաճառականական բոլոր մեքենայութիւնները և դառնալով (ի շնորհս իւր տանտիկնոջ խնամախօսութեան) գիտնականի կին՝ այնպէս բախտաւոր և այնպէս փառաւորուած զգաց իրան, որ ամբողջ հոգով և մարմնով, հոգատար և անհամարձակ սիրով, անվերջ յարգանքով, անսահման անձնազոհութեան բուռն ծարաւով անձնատուր եղաւ այն մարդուն, որ պարգևել էր նորան երկնային երջանկութիւն: Շիմշելը, ջրկիրի կամ կոշկակարի որդին, ձրի դպրոցի աղքատ աշակերտը, որ ոչինչ չունէր, բացի երկու հարիւր ոսկուց \*), այն էլ նուիրատուութեամբ հաւաքած, այնու ամենայնիւ ջահէլ աղջիկների և նրանց հայրերի աչքին այնպիսի փեսացու էր համարւում, որ երբ նրա ամուսնանալը յայտնի եղաւ՝ բոլորը միասին նախանձում էին ջահէլ գործակատարուհու

1002  
6936

\*) Երկու հարիւր ոսկի = 30 րուբլի



բախտին: Յիսպայի մայրը փողոցներում բան-  
ջարներով լի ծանր կողովներ էր շրջեցնում,  
իսկ քույրերը ամուսնացան դերձակների, ա-  
տաղձագործների և դրանց նման կուպիտ ար-  
հեստի և ստոր վիճակի մարդկանց հետ: Այդ  
դերձակները, ատաղձագործներն ապրում էին  
իրանց տնակներում, ունէին մեծ արհեստա-  
նոցներ և ստանում էին մշտական ար-  
դիւնք: Եիմշելը չունէր ո՛չ տուն, ո՛չ պարապ-  
մունք, ոչ արդիւնք. բայց նա գիտնական էր  
և դրա հետ միասին (գուցէ այս ամենազըլ-  
խաւորն է) նա շատ գեղեցիկ էր և հրապուրիչ:

Եւ երեսուն բուբլի դրամագլուխ ունե-  
ցող ամուսիներն սկսեցին իրանց կենակցու-  
թիւնը: Բացի դրանից Յիսպան ունէր նաև  
իւր օժիտը—երեք շապիկ, երկու փետրալից  
դօշակ, երկու ձեռք զգեստ և մի բամ-  
բակեայ կապալ:

Ուրիշ ոչինչ չունէին նրանք, և սա-  
կայն ապրում էին ահա տասներկու տարի:  
Այդ ժամանակուայ ընթացքում նրանք ու-  
նեցել են ինն երեխայ, որոնցից չորսը մեռել  
են, իսկ հինգը մնացել. հաւանաբար կը  
ծնուեն էլի հինգ հոգի, երեքը կմեռնին,  
երկուսը կմնան, և նրանք այնու ամենայնիւ  
կապրին... Զեզ գուցէ տարօրինակ թուայ,

որ մի ընտանիք, ինչպիսի և լինի նա, կա-  
րողանում է ապրել երեսուն բուբլի դրամա-  
գլխով: Ես ինքս էլ զարմանում էի այդ բա-  
նի վրայ՝ մինչև որ մօտից ճանաչեցի Յիսպային:

Արտաքուստ նա ամենասովորական հը-  
րէուհի է: Նա քսանութ տարեկան է, բայց  
քառասուն տարեկանի տեսք ունի: Կարճա-  
հասակ, կռացած, հազած իւր դիմացկուն  
կապան՝ նա անցնում է ամբոխի միջից  
մանրիկ, արագ և միևնոյն ժամանակ մի տե-  
սակ անհամարձակ, զաղտագողի աչքերով:

Նա կարծես շարունակ մի ինչ-որ հոգ-  
սի մէջ է, որ նրան խլացրել, յիմարացրել  
է. մի միայն նրա սև աչքերը արագ-արագ  
և արթուն կերպով խաղում են այս ու այն  
կողմը, ասես թէ նա մի բան է փնտռում,  
դիտում և բուռն կերպով ձգտում է մի բա-  
նի: Ժամանակ առ ժամանակ Յիսպայի աչքե-  
րում երևում է բարկութեան արտայայտու-  
թիւն, որ կատարելապէս սազ է դալիս նրա  
ցածր ճակատին, որը խիտ յօնքերից սկսեալ  
մինչև սև կեղծծամը ծածկուած է մանրիկ  
կնճիռների անթիւ ցանցերով:

Բայց դուք, խնդրում եմ, մի ծիծաղեք  
փոքրիկ, հասարակ հրէուհու վրայ, որ այնպէս  
տգեղ է և անդուրեկան. նա հասել է շատ

նշանաւոր հետեւանքի, գործնականապէս լուծելով այն հարցը՝ որ ամբողջ աշխարհը խիստ ծանր է համարում լուծելու համար— նա լուծել է կանայցի աշխատանքի կարևորութեան և արդիւնաւորութեան հարցը: Յիպան իւր խնդրի լուծումը հասցրել է մինչև իդէալականը. ահա տասներկու տարի է, որ նա իւր աշխատանքով պահպանում է իւր ամուսնուն, հինգ երեխաներին, յենուած մի միայն երեսուն բուբլի դրամագլխի վրայ:

Այդ փողերով Յիպան հիմնել է մի փոքրիկ խանութ, բացի սրանից՝ մի այդքանի էլ կարողացել է վարկ ձեռք բերել իւր նախկին տանտիկնոջ մօտ: Ամեն մի առևտրականի համար ամենից առաջ անհրաժեշտ են գնողներ, և Յիպան իւր խանութ բանալու առաջին օրից սկսեց փնտռել գնողներ, փնտռում է և մինչև այժմ, ոչ թէ նրա համար, որ չէ կարողացել գտնել, ո՛չ, այլ գտնելով մի քանիսին՝ նա իսկոյն կորցնում է նրանց և ստիպուած է փնտռել ուրիշներին: Այս երևոյթը առաջ է գալիս զանազան պատճառներից, որոնց մէջ յետին տեղ չեն խաղում Յիպայի խորհրդաւոր գործողութիւնները, որ կատարում են երեկոները, խանութը փակելուց յետոյ: Այդ ժամանակ կա-

րելի է լսել, թէ ինչպէս նա ինչ-որ բաներ է անում, հեղուկներ է դարտակում մի ամանից միւս ամանը և այլն:

Չնայելով որ Յիպայի զբաղմունքը ըստ երևոյթին խորհրդաւոր կերպարանք է կրում փոքրիկ լամպի գունատ լուսատուութեան պատճառով՝ սյուռ ամենայնիւ այդ զբաղմունքին չէ կարելի առանձին դրագիական նշանակութիւն տալ, Յիպան չէ պատկանում հրէական աղանդներից ո՛չ մէկին, որոնք նւպատակ են դրել վնասել քրիստոնեաներին, չունի ո՛չ մի մերօպիա և կարծեմ նոյն-իսկ երբէք չէ լսել այդպիսի բանի մասին: Նա գործում է բացառապէս իւր խելքով, առանց որևէ համերաշխութեան իւր ազգի հետ: Յիպայի մերօպիաները—յաճախորդները—օժտուած են նուրբ հոտառութեամբ ու ճաշակով և դեռ հազիւ ծանօթացած նրա ապրանքների հետ՝ նրանք իսկոյն դադարում են գնելուց, (երկար և, աւաղ, կատարելապէս արժանի կռիւներից և հայհոյանքներից յետոյ), այնպէս որ նոր յաճախորդներ գտնելու անհրաժեշտութիւնը Յիպայի համար երբէք չէ վերջանում: Նա կաշուց գուրս է գալիս, չէ խորշում ոչ մի միջոցից, սկսեալ արտասուալի աղաշանքներից մինչև

ձեռք համբուրելը, մինչև ամենատեսակ ծառայութիւններ մատուցանելը: Ժամանակ առ ժամանակ մի աւելորդ կուպէկ աշխատելու համար՝ նա կատարում է բոլորն՝ ինչ կամենաս. նամակներ է տանում, ծառաներ է առաջարկում, օգնում է գնելու և վաճառելու, փող վերցնելու և պարտք տալու: Խանութում նա նստում է ընդմիջումներով, ժամանակ առ ժամանակ: Նրան փոխանակում է մայրը, քոյրերից մէկը, որևէ հարևանուհին, իսկ ինքը ամբողջ օրերով վազում է մի սանդուխից միւս սանդուխը, քաշ է տալիս հին շորի մի կոյտ, կանգ է առնում որևէ մէկի դռանը զամբիւղը ձեռին (զամբիւղի մէջ սովորաբար լինում են գինի և զանազան ուտելիքներ). կուռն է խոհարարուհիների և գունապանների հետ, որոնք չեն կամենում նրան տուն թողնել, և նրանց խստութիւնը մեղմացնում է մի զոյգ թուզ կամ մի բուռ ընկոյզ կաշառք տալով. կատաղի կերպով կռիւ է մղում իւր մրցակիցների հետ, կռիւ, որ սովորաբար վերջանում է ոստիկանութեան միջամտութեամբ: Մի անգամ բանն այնտեղ հասաւ, որ ոստիկանի ձեռում մնաց նրա բամբակեայ կապան զարդարող օձիքի մի կտորը:

Տեսնելով իւր զգեստը փչացած՝ Յիպան դառն կերպով արտասուեց: Սակայն նա շատ քիչ անգամ էր թուլասրտութեան անձնատուր լինում: Սովորաբար նա ոչնչից չէ գանգատուում, և եթէ որևէ մէկը հարցնէ նրան աւելի կամ պակաս կարեկցութեամբ. «հը՛, Յիպա, գործերդ վատ են զնում»՝ նա երբէք դրական պատասխան չի տայ, այլ միայն կասէ. «այնպէս է՝ ինչպէս հաճելի է Աստծուն»: Պատահում է, որ Յիպայի կեանքի պայմաններին մօտիկ ծանօթ մարդիկ, տեսնելով նրա կնճուտ դէմքը, ջղոձգաբար ցնցուող շրթունքները՝ ասում են նորան. — «Ի՞նչ է անում ապա ձեր ամուսինը. ինչո՞ւ նա չէ օգնում ձեզ»: Այն ժամանակ նրա դէմքի վրայից անհետանում է խոնջութեան ամեն մի հետք և դրա փոխարէն երևում է բարկութեան նման մի բան: «Նա իւր պարագմունքներն ունի, պատասխանում է նա քրթմնջալով. նա չէ կարող ինձ օգնել առևտուրի մէջ»:

— Դուք շատ դժբախտ էք, Յիպան, որ ունիք այդպիսի ամուսին: Այս խօսքերի վրայ Յիպան բարձրացնում է գլուխը.

— Եթէ ես ունենայի տասը աղջիկ՝ այն ժամանակ կ'իսնդրէի, որ Տէր Աստուածը

նորանց էլ այնպիսի բախտ տայ՝ որպիսին ինձ է տուել: Նրա աչքերը վառուում էին, շրթունքների վրայ նրևում էր ակամայ ժպիտ և ամբողջ կնճռոտ դէմքը ծածկուում էր վառ կարմրութեամբ:

Այո՛, հրաշք գործած կլինէր նա, ով կարողանար Շիմշելին սովորեցնել օգնել Յիւլային: Իւր ամուսնութեան առաջին տարիներում, տակաւին անծանօթ իւր ամուսնու գիտնականութեան չափին՝ Յիւլան թողնում էր նրան խանութում, կարգի վրայ հսկելու և ապրանքներ վաճառելու. նա խիստ բարեխղճութեամբ էր կատարում իւր պարտականութիւնները. անշարժ նստում էր հաշուեստեղանի առաջ, մտածելով, թէ ինչպէս պէտք է համաձայնեցել Միշկայի մէջ յայտընուած ըբբէի համալիէլի և ըբբէի էլեղերի երկու հակառակ կարծիքները. կամ մտածում էր Պապս ըբբէի ասացուածի մասին, որ ուղիղ... հարիւր տասը մեկնութիւններ առաջ էր բերած: Շիմշելը աշխատում էր գտնել հարիւր տասնմէկերորդը և մտածելով այդ մասին՝ առանց ընդհատելու իւր մտածմունքի ընթացքը՝ հսկում էր խանութի կարգի վրայ: Բայց երբ բանը հասնում էր նրա պարտականութիւնների միւս մասին, վաճառուուն՝

այստեղ գործը դժուարանում էր, որովհետև Շիմշելը ամենեին չէր հասկանում իւր յաճախորդների լեզուն: Քարգմանի միջոցով նա մի կերպ բաւականութիւն տուեց երկու աղախիներին պահանջներին. բայց երբ Յիւլան տուն վերադառնալով իմացաւ այն եղանակը, որով կատարուել էր այս վաճառքը՝ քիչ մը նայ յուսահատութիւնից քար կտրէր. իմացուեց, որ Շիմշելը մէկ ու կէս աւելի է կշռել ապրանքը՝ քան հարկաւոր էր (նա ամենեին ծանօթ չէր կշեռքի կազմութեանը), և բացի դրանից նորան պակաս են տուել քսան գրօջ: Յիւլան հառաչեց, հառաչեց, իւր կոշտացած ձեռքը քսեց ամուսնուս և մազերին և ծիծաղեց:

— Դէ, գնձ քո գործին, ես ինքս մենակ եօլա կտանեմ: Շիմշելը կրկին ձեռնարկեց իւր գործին, այսինքն զբաղուեց իւր գիտնական գրքերով: Նրա միտքը խաղաղ էր, իսկ սիրտը լի ուրախութեամբ. նա ըստ ամենայնի բախտաւոր էր: Նրա հպարտութիւնը կատարեալ բաւականութիւն էր ըստանում՝ երբ նրա նեղ, կեղտոտ սենեակը գալիս էին զանազան մարդիկ, երբեմն շատ յայտնի մարդիկ, հարուստներ, մինչև իսկ գիտնականներ, և հարցեր էին տալիս նորան սուրբ գիտութեան զանազան մութ տեղերի



մասին, կամ պարզապէս խնդրում էին պատմել Հազազայի այս կամ այն կտորը: Եիմշելը բացատրում էր, խորհուրդներ էր տալիս. ինքն այնքան ոգևորում էր, որ հոգեգմայլութեան էր հասնում և լսողներին ևս ոգևորում էր:

Դա Եիմշելի մխիթարութիւններից մէկն էր: Նրա միւս և ոչ պակաս մխիթարութիւնը այն հայրական սէրն էր, որ նա տածում էր հինգ առարկաների վերաբերմամբ, յտակ, սուրբ սէր, առանց որևէ տարակուսանքի և յուզմունքի: Երեխաների ներկայ գրութիւնն ամենեւին չէր անհանգստացնում Եիմշելին, իսկ ինչ վերաբերում էր ապագային՝ նա միանգամ ընդ միշտ վճռել էր— Ենովքը, Մէնդելն ու Լէյզերը գիտնականներ կդառնան, Լիբան և Եսթերիկը կամուսնանան գիտնականների հետ:

Սա ոչ թէ ցնորք, այլ հաստատ համոզմունք էր, որ մի կողմից բոլորովին հանգստացնում էր Եիմշելին, իսկ միւս կողմից էլ հնարաւորութիւն էր տալիս նորան՝ գիտնականութիւնն իւր ցեղի մէջ միշտ հաստատուած տեսնել:

Երրորդ և զուցէ ամենաբարձր երջանկութեան աղբիւրը Եիմշելի համար՝ նրա պարապմունքն էր: Այո՛, նա ամենեւին ծով չէր,

ինչպէս կարող էր կարծել հարևանցի կերպով դիտողը: Ես յաճախ եմ լինում Ցիպայի խանութում և այդ տեղից նայում եմ հարևան սենեակի ներսը. յաճախ տեսնում եմ Եիմշելին բոլորովին խորասուզուած աշխատանքի մէջ. տեսնում եմ նրա գունատ ճակատը քրտինքի խոշոր կսթիլներով ծածկուած, տեսնում եմ, թէ ինչպէս վառ կարմրութիւնը պատում է նրա այտերը, իսկ շրթութունքները ջղաձգաբար դողդողում են մտքի սաստիկ լարումից: Խնդրի դժուարութիւնների դէմ մղած կռուի մէջ Եիմշելն աշխատում է հոգու և սրտի բոլոր ոյժով. բայց շրա փոխանակ սրպիսի պարզներ է ստանում նա իւր աշխատանքի համար, սրպիսի զիւտեր է անում նա, սրպիսի խօր և մուրթ առեղծուածներ է լուծում: Եւ նրա մուրթութիւնները սովորական մարդու մուրթիւններից չեն, այլ մեծ գիտնականի:

Օրինակ, մի անգամ նորան յաջողուեց գտնել Կեղաշիմի մէջ, Տալմուտի հինգերորդ գրքում, որ ճաւում է զոհաբերութիւնների մասին մի կենդանու անուն, որը, որպէս անսուրբ, չէր կարող զոհ բերուել Աստծուն: Այդ անուան մասին առաջ ոչ ոք ոչինչ չը գիտէր և այժմ էլ ոչ ոք չկարողացաւ ըմբռն-

նել, թէ ինչ տեսակ կենդանի է նշանակում այդ, բայց և այնպէս այդ գիւտը Շիմշելի սիրտը լցրեց այնպիսի հրճուանքով, որ ծանօթ է միայն գիւտեր անող մեծ մարդկանց, և հռչակուեց ամբողջ թաղում: Եւ ուրիշ թնչ կերպ կարող էր լինել: Մի՞թէ այս քիչ է, իմանալ՝ որ այս ինչ կենդանին—յայտնի չէ, թէ իսկապէս որը—որ կրում է որոշ անուն՝ օրէնքով չէր կարող զոհ բերուել Աստծուն այն սրբավայրում, որ շինուած է երկու հազար տարի առաջ:

Մի ուրիշ անգամ Շիմշելը տեսաւ մի խիստ անսովոր բան: Իսկապէս զիշերը: Յիպան քնած էր, երեխաները նոյնպէս: Բայց նա քնած չէր և նստած՝ գիրքն առաջին, լամպի մօտ աշխատում էր: Նա երկար աշխատում էր, քունն սկսում էր նրան յաղթել, երբ յանկարծ աչքերը գրքի վրայից բարձրացնելով սարսուեց, սարսափելի գունատուեց, լայն բացեց աչքերը և հէնց այդ գրութեան մէջ էլ մնաց: Ահա՛ թէ թնչ տեսաւ նա:

Իրսում խաւար, անթափանցիկ գիշեր էր: Խաւարի սև ֆօնի վրայ Շիմշելի յոգնած աչքերին երևաց երկար, ոսկեփայլ թել, որն սկսեց քիչ-քիչ լայնանալ, բաժանուել աւելի

փոքրիկ թելերի, և վերջ ի վերջոյ կազմեց մի ոսկեայ սանդուխ, որի կառարը հասնում էր թանձր ամպերով պատած երկնքին, իսկ հիմքը լենւում էր նեղ բակի խոնաւ քարերին: Չորս կողմում ամեն ինչ խաւար էր, և այս մթութեան մէջ ոսկեայ սանդուխը աւելի որոշ էր երևում իւր աստիճաններով, որոնցից իւրաքանչիւրի վրայ նստած էր մի-մի հրեշտակ: Հրեշտակներն իրար նման չէին: Շիմշելը կարգով ճանաչում էր նրանց. նա նրանց երբէք չէր տեսել, բայց նրանց պատկերները շատ անգամ էին նորան պատահում իւր կարդացած գրքերի երեսներում: Սանդուխի հիմքում, իւր հզօր թւերի ամբողջ ոյժով պահելով սանդուխը՝ կանգնած էր Սար—խա—Օլեամը, գիտութեան հրեշտակապետը: «Ի զուր չէ, որ Հագատի մէջ նա աշխարհի իշխանի տիտղոսն է կրում», մտածեց Շիմշելը, որովհետև հրեշտակի ամբողջ հսկայական պատկերը ծածկուած էր ծիրանիով, իսկ գլուխը զարգարուած թագով. այդ թագը կազմուած էր իրար հետ վարպետութեամբ հիւսուած տառերից. նրանք վառուում էին այն հրեղէն լեզուների պէս, որոնք բարձրանում են դէպի երկինք նահատակների խորոյներից. նա սառը դէմքով հպարտ ոգի

էր և նրան շրջապատել էր արծաթափայլ մառախուղը: Երիմշելն իսկոյն հասկացաւ, որ այդ մառախուղը հրեշտակից ծագող մըտքերն են: Մառախուղը թանձրանում էր, արծաթափայլ թելեր կազմելով, և տարածւում էր շրջապատող խաւարի մէջ, կարծես կըռւում էր նրա հետ, իսկ Սար—խա—Օլեամը նայում էր այդ կռուին մեծ, խաղաղ, պարզ աչքերով, և նրա թազի բոցավառ տառերը հիւսուելով կազմում էին մի բառ - «Եղթութիւն»:

Աւելի վեր կանգնած էին ուրիշ մեծ ու փոքր հրեշտակներ: Երիմշելը նրանց ամեն մինի անունը տալիս էր: «Ա.հա Մեռատրօն հրեշտակը, մտածում էր նա: Օրհնեալ լինիս, Մեռատրօն հրեշտակ, դու, որ պատկանում ես Իսրայէլին՝ որպէս աչքի բիբը, և քո թևերը հովանու նման տարածում ես նրա թշուառ գլխին»:

Մեռատրօն հրեշտակի թևերը ձիւնից աւելի սպիտակ էին, և որպէս տալէսներ (վերարկուներ), որոնց մէջ աղօթում են Իսրայէլի զաւակները՝ եզերուած էին սև շերտերով: Յաւիտենական Աստուածը այս սգոյ զգեստը հագցրեց Մեռատրօնին հէնց այն վայրկենին, երբ նրա պահպանած ժողովուրդը կորցրեց իւր հայրենիքը:

«Իսկ սա Աւրիէլ հրեշտակն է իւր տասնեմէկ ընկերներով: Նրանք կառավարում են տարուայ տասներկու ամիսները: Սրանք մըրկի և կրակի հրեշտակներ են, նման են ծիրանեգոյն շամանդազի, միայն գոյները ըրպէ առ ըրպէ խունանում են: Նրանք հալւում, անհետանում են, և այնտեղից, ուր կանգնած էին՝ լուում է մի ձայն, որ լիշեցնում է կտրուած լարի տխուր ձայնը: «Ա.հա... օրհնեալ լինիս, ձվ Սանդալֆօն, աղօթքի հրեշտակ»:

Այն վայելչահասակ, լուսաւոր, ոսկեփայլ մագերով պտակուած աղօթքի հրեշտակը կանգնած է այն սանդուխի կատարին, որն իւր հզօր ուսերի վրայ բարձրացրել է գիտութեան հրեշտակապետը, նշանագրերից կազմած թազը գլխին և ծիրանին հագին: Աղօթքի հրեշտակը այնպէս հեղութեամբ խոնարհեցրել է իւր գլուխը գէպի գետին, որ կարծես ուշագիր կերպով ականջ է դնում իրան հասնող ձայներին: Երիմշելը Սանդալֆօնին աւելի համարձակ է նայում, քան թէ միւս հրեշտակներին: Սանդալֆօնի շրթունքների վրայ խաղում է հեղ փպիտ: Նրա ձեռները լի են ծաղիկներով: Նրանք փոփոխւում են ամեն ըրպէ, այժմ մի տե-

սակ են, մի րոպէից յետոյ ուրիշ տեսակ են լինում, և նա ծաղիկներից շարունակ հիւսում է ահագին պսակներ:

«Օ՛, ես գիտեմ, մտածում է Շիմշելը. սրանք մարդկային աղօթքներ են, որ շարունակ լողում են, լողում են, լողում են աշխարհի վրայից դէպի Եհովան, իսկ Սանդալֆօնը բռնում է նրանց թռչելու ժամանակ, դարձնում է ծաղիկներ, պսակներ է հիւսում և դնում Յաւիտենականի աթոռի պատուանդանի մօտ: Յաւիտենական Աստուածն ինքն է արգէն իմանում, թէ ո՛ւմն են այդ աղօթքները և ի՞նչ են խնդրում նրանք»:

Մարդկային աղօթքներն հաւաքող Սանդալֆօնը, երևի, խորապէս յուզուած է և տխուր, որովհետև նրա աչքերում պէժ-պէժ են տալիս և վառւում ահագին ադամանդների նման խոշոր արտասուքներ: Շիմշելը նայում է այդ արտասուքներին և մտածում. «օրհնե՛ալ լինիս, Սանդալֆօն հրեշտակ, նրա համար, որ դու այդպէս ներողամիտ ես դէպի մարդիկ»: Նա սկսում է գիտել այդ ծաղիկները, որոնք Սանդալֆօնի ձեռներից դուրս են սահում իբրև երկար, երփներանգ ժապաւէն, նայում է, և չէ կարողանում կշտանալ նրանց գեղեցկութեամբ: Պայծառ, կար-

միր զանգակները նրա աչքին այնպիսի մեծութեան են հասնում, որ նա չէ կարողանում գիտել այդ ծաղիկները լուսամուտի բացուածքից. ձիւնի պէս սպիտակ վարդերը փայլում են ինչպէս արծաթափայլ արտասուք. մեխակները իրանց թերթիկներից թափում են ոսկեայ կայծերի անձրև: Շիմշելը նայում է բոլոր այս հրաշքներին, նրա շըրթունքների վրայ երևում է հրճուանքի ժրպիտ և ձեռներն ակամայ բարձրանում են դէպի երկինք:

Յանկարծ ոսկեայ սանդուխը, նրա վրայ կանգնած հրեշտակները և Սանդալֆօնի դրախտային ծաղիկներն սկսում են գունատուել և միախառնուելով կազմում են խաւար մառախուղ, որ տեղ-տեղ ներկուած է ոսկու և ծիրանու գոյնով, և վերջապէս բոլորովին անհետանում են: Շիմշելը ծանր ձեռքով տըրորում է աչքերը և անգիտակցաբար նայում է իւր շուրջը:

Նրա առաջ սեղանի վրայ դրուած հանգչելու մօտ լամպի նեղ ապակուց դուրս է գալիս կապտաւուն, ածխահոտ լոյսը. սրա շուրջը մահճակալի և արկղների վրայ քնած է նրա բոլորը ընտանիքը. դեղին կատուն առանձին ձևով բարձր մումուում է Ենովքի մօտ. դըր-

սում լուսանում է, բայց թանձր ամպերը առաջուայ պէս պատել են երկինքը, և սնձրևի խոշոր կաթիլները անդադար թափուում են նեղ բակի քարերի վրայ. քամին առաջուայ պէս ճչում, չարանում է:

Շիմշելը վեր կացաւ, հագաւ տալէսը (վերարկու) և ձեռները երկինք—բարձրացնելով՝ սկսեց գոհահալ Աստուծոց, որ նա հնարաւորութիւն տուեց իրան, որպէս երկրորդ Յակովբ, տեսնել նրա հեշտակներին, որ նա թափեց իւր վրայ այսպիսի անչափ, անսահման երջանկութիւն:

Շիմշելն աւելի ևս բախտաւոր էր նրանով, որ ոչ մի հոգս, ոչ մի անհանգստութիւն, որ կապուած է մարգասիրութեան, հասարակական բարօրութեան և սրանց նման այլ պարտքերի վերացական հասկացողութիւնների հետ՝ չէր վրդովում նրա կեանքը: Ոչինչ այդպիսի բան Շիմշելը չգիտէր. մինչև իսկ չգիտէր, թէ արդեօք հասկացողութիւններ աշխարհում գոյութիւն ունին, թէ ոչ: Բացի գիտութիւնից, որի մէջ ամբողջովին խորասուզուած էր, բացի երեխաներից, որոնց սիրում էր, և կնոջից, դէպի որը վերաբերում էր հովանաւորողի զգացումով՝ նա բացարձակապէս ոչ մի բանով չէր գրաւուում:

Նա ամենաչնչին կապ անգամ չունէր այն հասարակութեան հետ, որ շրջապատում էր նրա մի բուռն հայրենակիցներին. չէր ճանաչում նրան և չէր էլ կամենում ճանաչել: Ատելութիւն չէր տածում նա դէպի այդ հասարակութիւնը, և ատելութիւնը նորան ծանօթ էլ չէր: Իսկ այն մարդկանց, որոնց հետ նա կապուած էր ծագումով, կրօնով և լեզուով՝ նա սիրում էր, և այդ սէրը նորան ոչ մի անախորժութիւն չէր պատճառում: Նա սիրով էր բաց անում նրանց առաջ իւր գիտութեան գանձարանը: Վերջապէս նա չէր խառնում ոչ մի գործի և գլուխ չէր ճաքացնում իւր հայրենակիցների հասարակական կազմութեան լաւ և վատ կողմերի վրայ: Եթէ որևէ ժամանակ նա լսում էր այսպիսի տրտունջ. «վիճակներս վատ է», նա պատասխանում էր. «այդպէս է հաճելի Աստուծուն». եթէ այս տրտունջն ընդունում էր հարցական եղանակ, թէ «՞նչ կլինի մեր վերջը» Շիմշելը հանգստացնում էր. «կլինի այնպէս՝ ինչպէս Աստուած կկամենայ». այս դէպքում յիշեցնում էր Մեսիայի զալստեան մարգարէութիւնը, որը, նրա կարծիքով, անպատճառ պէտք է իրականանար, և ժպտում էր կէս-խորհրդաւոր և կէս-ուրախ ձևով:

Միայն մի բան նրան մինչև հոգու խորքը վշտացնում էր,— դա հրէաների Բաբելական գերութիւնն էր: Մտածելով կամ կարգալով այդ մասին՝ նա տխրում էր, ընկնում մտախուհութեան մէջ և կիսաձայն երգում էր Բաբելական գետերի և աքսորանքի երկրի մասին: Ճիշտ այդպէս էլ վշտացնում էր նրան նաև Երուսաղէմի սրբութեան կործանումը: Այս անցքի պատճառ եղող մարդուն, Հռոմայեցոյ Տիտոս կայսրին, նա ատում էր ամբողջ սրտով, բուն կատաղի կերպով, և սա միակ ատելութիւնն էր, որ կար նրա մէջ: Սակայն ատելութիւնից աւելի յաճախ նա անձնատուր էր լինում վշտի: Երբեմն կարգալով հռոմէական զօրքի կողմից Երուսաղէմի պաշարման և գրանից յետոյ տեղի ունեցած դէպքերի պատմութիւնը՝ նա երկու ձեռքով բռնում էր գլուխը, հառաչում և արտասուում:

Բայց այդ սև տարիների դառնութեան փոխարէն նա հարիւրապատիկ վարձատրւում էր՝ երբ ի նկատի էր ունենում միւս տարիների մեծութիւնը: Այսպէս օրինակ, Շիմշելը անսահման հրճուանք էր զգում Սողոմոն թագաւորի փառքն ու հարստութիւնը տեսնելով: Ի՞նչպէս բարձրաձայն երգում և պա-

րում էր նա՝ ուխտի տապանակի առաջ երգող և պարող Գաւիթ թագաւորի հետ. Ի՞նչպէս յաղթանակով ցնծում էր Մակաբայեցոյ հետ: Ի՞նչպէս ուրախացնում էր նրան առաջին պարտութիւնից յետոյ հրէից օրէնագիր ծերակոյտի, սենեգրիօնի, առաջին ժողովը. Ի՞նչպիսի ջերմ մասնակցութիւն էր ընդունում նրա վիճաբանութիւնների մէջ և Ի՞նչպէս հպարտանում էր այդ մասնակցութեամբ: Ամբողջ ժամերով նստում էր նա Գամաղիէլ բաբբի ստների մօտ. սրամիտ և կենդանի վէճեր էր անում Եղուգա բաբբի հետ և սիրով ու յարգանքով տոչորւում էր դէպի Ակիբայ բաբբին:

Եւ այսպէս հազուադիւտ վշտերի և մշտական ուրախութիւնների մէջ սահեց անխոնջ Յիպալի գիտնական ամուսնու կեանքը՝ մինչև մի դիպուած, որ անսպասելի կերպով տակն ու վրայ արաւ և յաւիտեան իլեց նրա հանդիսոր:

Եթէ ձեզանից մէկը եղել է Օնգրօտում՝ նա կճանաչէ այն նեղ փողոցը, որ այսպէս կոչուած բուլ՝վարից գնում է դէպի հրէից

քաղաքամասի անճանօթ, թէև բազմաթիւ փողոցները:

Ես շատ ամաչում եմ, որ ստիպուած եմ տանել ձեզ դէպի մի նեղ փողոց... բայց ճար չկայ...

Վիպասանը նոյն է՝ ինչ որ ճանապարհորդը: Քիչ ծանօթ, կամ բոլորովին անծանօթ վայրերն ամենից աւելի են գրաւում նրա ուշադրութիւնը: Եթէ ձեզանից մէկն ու մէկը սիրում է ճանապարհորդել՝ նա թող գայ իմ յետևից դէպի այն նեղ փողոցը, որ երկու կողմից սկսւում է քարեայ խուլ պարիսպներով. յետոյ այդ պարիսպները վերջանում են, և տեսնում էք միայն վատ սպիտակացրած, ցածրիկ, փայտեայ տնակներ երեք, երկու և նոյն-իսկ մի լուսամուտով:

Ահա այն տունը, ուր սպրում է Ղիմշել ըաբբին իւր ընտանիքով: Այս տնակը փողոցի կողմից երկու լուսամուտ և մի դուռ ունի, կամ աւելի ճիշտ ասած՝ դռնակ, երկու աստիճաններով: Լուսամուտները Ղիմշելի բնակարանինը չեն. նրանք լուսաւորում են կլէկչի Իցկայի բնակարանը. իսկ դռնակը տանում է իսկապէս դէպի Յիպայի խանութը:

Ես ամաչում եմ, որ մենք ստիպուած ենք անցնել այս խանութի առաջից. այդ

տեղից մոմերի, եղի, տառելի մի այնպիսի հստ է փչում... Բոլոր այդ նիւթերը բնական են և այն աստիճան սովորական, որ անկարելի է խուսափել նրանցից՝ երբ ճանապարհորդում ես իրականութեան աշխահում: Խանութի ներսը նոյնպէս բնական է և սովորական, բայց մենք կարիք չունինք նրա ներսը նայել: Ահա բակի դռնակը: Ներս մտնենք այս դռակից և այցելենք Եիմշելի կացարանը: Երբ վերջանալու վրայ է. բայց արևի վերջին ճառագայթներով այնու ամենայնիւ մենք կարող ենք տեսնել բակի ներսում, տան վրայ, օդի մէջ կախուած հսկայական մեծութեամբ մի ձեռանկար. ինչ բան է այս: Արդեօք որևէ վհուկի կախարդութիւն, դիւթական մեքենայութիւն: Խաւար հրէաների այս կեղտոտ բակում ամեն բան սպասելի է:

Բայց մի վախեաք և յետ մի փախչիք: Երբ մէջ կախուած ձեռանկարը ոչինչ երևակայական բան չէ պարունակում. սա պարզապէս մի որևէ ձեռնոցագործի նշանակ է, որ կախել են չորացնելու համար:

Տնակում, դռների դէմուգէմ, բնակում է Սովլան, նշանակների նկարիչը, Եիմշելի երեխաների և մանաւանդ Եսթերիկի և Մէն-

գելի իսկական բարերարը: Նա նրանց շարունակ անակնկալ ուրախութիւններ է պատճառում: Երբեմն նրանք տեսնում են նրա տան առաջ վիթխարի մեծութեամբ մի ձեռք, երբեմն բոլորովին կարմիր կօշիկ, գեղին նըրբանով, երբեմն կապոյտ ֆօնի վրայ լայն փռուած վարդագոյն զգեստ, երբեմն կառքեր և շարաբաններ: Սյս հրաշալի նկարների առաջ Եսթերիկը կանգնում է ամբողջ ժամերով, իսկ Մէնդելը մինչև այն աստիճան յափշտակուում է, որ նստում է քարի վրայ և լուռ հրճուանքով այնպէս է բարձրացնում գըլուխը, որ թասակն ընկնում է նրա գանգրահեր գլխից. իսկ ինքը այդ չէ նկատում: Լուսամուտից այդ նկատում է բարեպաշտ Ենովքը. նա դուրս է գալիս սենեակից, ամենամեծ պատկառանքով վերցնում է թասակը, որպէս զի ծածկէ թեթևամիտ եղբոր գլուխը. բայց յանկարծ նկարը տեսնելով նրկարչի տան առաջ՝ չէ կատարում իւր մտադրութիւնը, կանգ է առնում, թասակը բռնած պահելով Մէնդելի գլխի վրայ: Սյոպէս նայում են մանուկները մինչև այն ժամանակ՝ երբ Լիբան կանչում է նրանց ճաշի կամ ընթրիքի:

Լիբան ժամանակ չունէր զուարճանալու

նկարներով. բայց երբ նա գալիս էր հրաշալի մանուկներին հանելու հիացմունքի իդէալական աշխարհից՝ այն ժամանակ ինքն էլ ընկնում էր նոյնպիսի դրուժեան մէջ, նոյնպէս կանգ էր առնում և նայում:

Սակայն ներկայ ըրպէին մեծ գեղին ձեռքը մնացել է առանց հանդիսատեսի: Նա կախուած է մթութեան մէջ աննկատելի մի լարի վրայ, կախուած է և ուժգին քամու ժամանակ ճօճւում է երկարաձիգ ճռուցով, իսկ նրա լայն փռած մատներն ասես թէ կամենում են ծածկել երկու փոքրիկ լուսամուտները:

Մովչայի պատուհաններն այսօր պայծառ լուսաւորուած են. սենեակի խորքից լսւում են բազմաթիւ խօսողների ձայներ: Գուցէ Մովչան և նրա կին Խացան բազմամարդ խնջուք են սարքել. կասկածում եմ, որովհետև չնայելով Բողշիլճների և միւս բանկիրների հարստութեանը՝ նշանակների նկարիչը, կարելի է ասել, բոլորովին հարուստ չէ: Ի՞նչ է ուրեմն կատարուում Մովչայի տանը: Ես նորան մօտիկ ծանօթ չեմ և չեմ կարող երաշխաւորել՝ ինչպէս կերաշխաւորէի Շիմշելի համար: Մենք շուտով ամեն բան կիմանանք կարգով, իսկ այժմ մի ակնարկ ձգենք միւս



լուսամուտի վրայ, որ ուղիղ Մովչայի տան  
դէմուգէմն է:

Մենք կանգնած ենք մի տան մօտ, որի  
պատը հին է, ցածր, փլչելու աշկարայ տրա-  
մադրութիւն է ցոյց տալիս և կուացել է գէ-  
պի գետին, իւր խորտուբորտ, կճպած մա-  
կերևոյթով: Նրա հետ միասին դէպի գետին  
է կուացել կիսափուտ շրջանակով լուսամու-  
տը, որ բացուած է այդ պատի վրայ: Լու-  
սամուտի յետևում պլպլում է գունատ լոյս:  
Փոքրիկ լամպն է վառուում մի սեղանի վրայ,  
որը դրուած է լուսամուտի մօտ: Սեղանի  
կէսը բռնել է մի մեծ բացուած գիրք, իսկ  
առաջը նստած է...

Այժմ ես պատիւ ունիմ ներկայացնել  
ձեզ Շիմշելին, որի մասին դուք այնքան լը-  
սեցիք ինձանից: Ես համոզուած եմ, որ և  
դուք, նրան ղիտելով՝ կհամաձայնէք Յիպայի  
կարծիքի հետ, թէ նա շատ գեղեցիկ և չը-  
քնող է: Նա բարձրահասակ է և շատ նիհար-  
նրա ձեռները բարձր շրջանի տիկնոջ ձեռ-  
ների նման խիստ սպիտակ են, նեղ և բա-  
րեձև, թէև վտիտ: Նրա գունատ դէմքը, եր-  
կար, սև գանգրահներ միրուքով, աչքի է ըն-  
կնում անսովոր մաքրութեամբ և դիմագծե-  
րի վայելչութեամբ, միացած խաղաղ և պարզ

արտայայտութեան հետ: Երբ նա գրքի վը-  
րայից բարձրացնում է իւր աչքերը՝ նրա  
դէմքը վառուում է խորհրդաւոր և խորին մը-  
տախոհութեան լուսով. դուք շուտով կտե-  
սնէք, որ այս սև, խոր աչքերը, ժամանակ  
առ ժամանակ արտասուում են բաբելական  
գերութեան և Երուսաղէմի աւերածի վրայ,  
յաճախ նայում են այն բոցավառ հիէրօզլիֆ-  
ներին, որոնք պսակում են գիտութեան  
հրեշտակների հպարտ գլուխը, նայում են  
աղօթքի հրեշտակի ադամանդանման արտա-  
սուներներին: Սար—խա—Օլեամի խաղաղ հը-  
պարտութիւնից և Սանդալֆօնի գերմարդկայ-  
ին հեղութիւնից մի ինչ-որ բան անդրա-  
դարձել և յաւիտեան մնացել է Շիմշելի բոր-  
բոքուած և միևնույն ժամանակ մեղմ աչքե-  
րում: Եթէ նրա բարակ, բուստանման շըր-  
թունքների տէրը հասարակ հրէայ չլինէր՝  
գուցէ դուք այդ շրթունքները համարէիք  
նեարդային, տպաւորուող բնաւորութիւն ու-  
նեցող գեղարուեստագէտի սեփականութիւն,  
այն աստիճան գեղեցիկ է նրանց գծագրու-  
թիւնը, այնպիսի պերճախօս, մեղմ ժպիտ են  
ձևացնում նրանք երբեմն: Եթէ Շիմշելը ձեզ  
էլ նույնպէս հետաքրքրում է, ինչպէս ինձ՝  
դուք կարող էք նրան ղիտել, ինչքան կա-

մենաք, միայն եկէք միշտ նոյն ժամանակ և նոյն բակը: Ամենայն երեկոյ նա նստում է նոյն դիրքով, ինչպէս մենք նրան տեսանք այժմ, դէմքը դարձրած դէպի լուսամուտը, դրքի վրայ կռացած և կամ մի ինչ-որ բարձրը, բարձր տեղ նայելիս: Երբեմն դուք նրան կտեսնէք նստերիկի հետ, որ ցատկում է նրա ծնկների վրայ, կամ Լէյզերի հետ, որ բարձրանալով նրա ուսերը՝ երկու ձեռներն անց է կացնում նրա սև մազերի մէջ:

Այդ ժամանակ Եիմշելը խիստ ուրախ է, մոռանում է բարելական գերութիւնը, մոռանում է Սանդալֆօնին, նայելով մանուկներին ժպտում է և բարձրաձայն համբուրում է նրանց:

Այժմ մենք նրան երկար չենք դիտի. նշանակների նկարչի դռները բացում են, այնտեղից դուրս է թափւում սև կերպարանքների մի ամբողջ խումբ և մտնում է Եիմշելի սենեակը: Մենք էլ մտնենք նրանց յետևից: Սենեակի ներսը ձեզ ծանօթ է իմ նկարագրութիւնից:

Այժմ այդ սենեակը բերան է բերան լըցուած է: Այնտեղ են — կլայեկչի իցկօն, նշանակների նկարիչ Մովչան, մորթեգործ Ովսելը, մորթեգործ Ովսելի սրդին Մէյբըրը. մնացած երկուսին ես չեմ ճանաչում:

Նրևի այս մարդկանց համար էր Մովչան լուսաւորել իւր սենեակը: Բայց ինչ են ուզում նրանք Եիմշելից: Նրանք մեծ յարգանքով գլուխ են տալիս նորան. այս հասարակ արհեստաւորները զգում են գիտնականի գերազանցութիւնն իրանցից: Եիմշելը ողջունում է նրանց սիրալիր կերպով, քաղցրութեամբ, իւր դիրքին պատշաճ արժանապատուութեամբ: Եկողների միջից առաջ է անցնում աւագագոյնը և ամենից պերճախօսը — մորթեգործ Ովսելը: Մի քիչ անվստահ ձայնով նա դիմում է զսրծին և հաղորդում է, որ հաւաքուած բոլոր հասարակութիւնը վճռել է...

Վճռել է... Բայց ինչ կարող է վճռել հրէաների հասարակութիւնը: Իհարկէ, ոչընչացնել քրիստոնեաներին, ինչպէս համոզում է մեզ մի իմաստուն բրօշիւր — Սշխարհի նուաճումը հրէաների ձեռքով: Նրանք կամենում են և ջանք են անում տիրել աշխարհին (ինչ քաջամարտիկ ազգ): Հաւանօրէն այժմ վճռել են իրանց դիտաւորութիւնը իրադրոճելու համար մի որևէ ձեռնարկութիւն անել:

Մորթեգործ Ովսելը հաղորդում է, թէ ինքը և իւր ընկերները վճռել են առաջիկայ

Պուրինի տօնին մի ներկայացում տալ: Արգիւնքը կյատկացնուի աղքատներին:

Վճռելով աղքատների օգտին մի ներկայացում տալ՝ նրանք խնդրում են ըստ Շիմշելին միանալ իրանց հասարակութեան հետ: Բաբբի Շիմշելը լաւ ձայն ունի, շատ լաւ ձայն: Ոչ ոք նրանից լաւ չէ կարող երգել գլխաւոր դերը: Ինքը կանտօրը \*) այսպէս է խորհուրդ տուել նորանց, իսկ յայտնի է, որ կանտօրը շատ լաւ է երգում և ծանօթ է թաղի բոլոր ձայներին: Բաբբի Շիմշելը գիտուն, շատ գիտուն մարդ է: Ոչ ոք չէ կարող այնքան մեծ համակրութիւն զարթեցնել դէպի նրանց գործը՝ ինչպէս նա. ոչ ոք այդ գործին այնպիսի նշանակութիւն տալ չէ կարող հասարակական կարծիքի առաջ: Ինքը ըստ բաբբի Բօրուխը, որ յայտնի է իւր բարեգործութեամբ՝ խնդրում է նրանից այդ բանը:

Ինչ պէտք է խաղան նրանք: Նրանք խաղալու են «Հօր Սամսոն» կոչուած պիեսան, որ հաւանաբար, բաբբի Շիմշելին արդէն ծանօթ է. (Ինչ չգիտէ բաբբի Շիմշելի իմաս-

\*) Կանտօր—հրէից սինագոգայում երաժշտապետ:

տութիւնը). նրա մէջ այնքան շատ են գեղեցիկ նուագները, այնքան շատ, որ...

Մորթեգործ Ովսելը վերջացնում է իւր ճառը, և առաջ է անցնում բարձրահասակ, թիկնաւէտ Մովշան, նշանակների նկարիչը: Մովշան անհամարձակ ժպիտով արշարացի նկատողութիւն է անում, թէ բաբբի Շիմշելը նաև այն պատճառով պարտական է ընդունել նրանց խնդիրը, որ Հօր Սամսոնի դերը ամենից աւելի պատշաճ է Հօր Սամսոնին: Նա Սամսոն էր կոչուած, սա էլ է Սամսոն կոչուած. իսկ եթէ նա ուժեղ էր մարմնով՝ սա էլ ուժեղ է խելքով: Մովշայի նկատողութիւնն այնպէս սիրալիր, այնպէս սրամիտ և դրա հետ միասին այնպէս հիմնաւոր է՝ որ ընդհանուր քաջալերութեան է արժանանում: Յիրաւի Շիմշելը՝ Սամսոն է, ինչպէս Մովշան՝ Մովսէս, Ովսելը՝ Ովսէաս, Իցիկը՝ Իսահակ, և այլն: Իուք, ի հարկէ, չէիք էլ կարծում, որ այդպիսի մեծ ու ամենից յարգուած անունները ծածկուած են այսպիսի հասարակ, այսպիսի ծիծաղելի անունների տակ: Իուք ի հարկէ, շատ անգամ էիք ծիծաղել Մովշայի, Իցիկի և Շիմշելի վրայ, չիմանալով, որ գործ ունէք Մովսէսի, Իսահակի և Սամսոնի հետ...

Շիմշելը կամ Սամսոնը երկար մտածում էր իրան եղած առաջարկութեան վրայ: Այն, ինչ որ նրանից պահանջում էին՝ արդէն խորհրդածութիւն չէր, այլ գործ. սա մի այնպիսի բան էր, որ Շիմշելին մինչև այժմ երբէք չէր պատահել:

Գործը նրան վախեցնում էր.— այնպէս ծանր կլինի քայլել, շարժուել, լարել ոյժերը, մի խօսքով գործել, եւ բացի դրանից՝ ներկայացումը, որպէս ունայն գործ, արդեօք չի ստորացնի նրա յարգը, չի՞ փոքրացնի նրա նշանակութիւնը:

Նա երկար մտածում էր, ապա վեր կացաւ և առաց.

— Եթէ կանտորն ասում է, որ ես այդպէս լաւ ձայն ունիմ. եթէ բաբբի Բօրուսը խընդրում է ինձանից այդ. եթէ արդիւնքը յօգուտ աղքատների է՝ ես համաձայն եմ:

Բոլորն ուրախանում են, ինքը Շիմշելն էլ է ուրախանում:

Եթէ Շիմշելը հրէայ չլինէր՝ նա կասէր, և գուցէ կատարեալ իրաւունք ունենար ասելու. «Նս ինքս էլ աղքատ եմ». բայց նա հրէայ է. նրա կինը երեսուն ըուբլի դրամագլուխով առևտուր է անում, ամենայն օր պատրաստում է գետնախնձորով ապուր, իսկ

ուրբաթ և շաբաթ օրերը գնում է մէկ ու կէս ֆունտ միս կամ ձուկ, որ, ինքներդ էլ կհամաձայնէք, բոլորովին բաւական է եօթը հոգու համար:

Կեանքի համար բոլոր անհրաժեշտ բաներն ունենալով՝ Շիմշելը չէր էլ մտածում այն մասին, թէ արդիւնքի կէսը կարող էր իւր օգտին յատկացնել:

Շիմշելի հիւրերն սկսեցին պատմել, թէ ո՞վ ինչ կլինի:

— Բարձրահասակ ու թիկնաւէտ Մովշան ճիշտ նման է փղտացոց կայսրին, և նա էլ այդ դերը կերդէ:

— Կլայեկչի Իցկան կլինի մինիստր և Մովշայի մերձաւորը, իսկ մնացած երկուսը կներկայացնեն Երուսաղէմի ծերերին, որոնք արտասուում են փղտացոց կայսրի առաջ...

— Ովսելի որդի Մէյերը (այստեղ Մէյերը կարմրում է ամօթից) կլինի Դաւիթա... նա այնպէս ջահէլ ու այնպէս սիրուն է, որ գեղեցիկ տիկին կդառնայ...

— Միւս փղտացիները առ այժմ այստեղ չեն. նրանք չկարողացան գալ, ժամանակ չունէին:

Մեզ կսովորացնէ ինքը կանտորը. մենք նրա մօտ կերթանք երգերի կրկնութեան

Համար, իսկ շորերի և միւս ծախսերի համար ըստ բօրուխը խոստացել է փող հաւաքել... Հարուստ վաճառականները կտան... Դէ մենք էլ մի բան կանենք... Խնչ արած, եթէ Աստուած մեզ միջոցներ է տուել՝ պէտք է օգնենք նորանց՝ որոնք ոչինչ չունին:

— Մորթեգործ Ովսելը չի խաղայ. նա միայն կարգադրութիւններ կանէ. պէտք է հսկէ, որ բոլոր գործն ընթանայ կարգ ու կանոնով:

Բացատրելով բոլոր մանրամասնութիւնները՝ հիւրերը գլուխ տալով և շնորհակալութիւն յայտնելով ցրուեցան: Շիմշելը մի րոպէ անգամ չէր ենթադրում, որ այսօրուայ տուած խօսքը նրա համար կարևոր հետևանքներ է ունենալու, և ո՞վ գիտէ գուցէ և նրա զաւակների համար:

Բայց այսքանը հաստատ էր, որ այդ օրուանից Յիպայի համար սկսուեց կեանքի մի նոր դարագլուխ: Ո՛րքան զուարճութիւն էր ստանում նա, ի՜նչպէս սաստիկ խփում էր նրա սիրտը հպարտութիւնից և ուրախութիւնից:

Շիմշելը մինչև մի աստիճան փոխեց իւր կեանքի շրջանակը. առաւօտները յաճախ թողնում էր տունը և գնում էր կանտորի

մօտ: Նա առաջ էլ երգեցողութեան մէջ տըզէտ չէր, բայց այժմ վճռեց լուրջ կերպով պարապել: Իսկ գիշերները սիրող դերասանների խումբն իւր ամբողջ կազմութեամբ հաւաքուում էր նրա տանը:

Բարձր դիրքի տէր մարդկանց յատուկ սիրալիր հպարտութեամբ՝ նա խնդրեց իւր ժամանակաւոր ընկերներին պատիւ անել նորան իրանց այցելութեամբ, և նրանք ուրախութեամբ համաձայնեցին: Շատ հաճելի է ամեն օր հիւր գնալ այնպիսի մարդու մօտ, որ մեզանից այնչափ բարձր է կանգնած: Կըլայեկչին, մորթեգործը, նշանակների նկարիչը հրճուում էին, որ կարող են ամեն օր յաճախել գիտուն մարդու տունը. բայց որովհետև իրանք կուպիտ, ստոր աշխատանքով էին պարապում, որ խլում էր ութ, տասն երբեմն նոյն-իսկ օրուայ տասներկու ժամը՝ այդ պատճառով միայն երեկոյեան շատ ուշ նրանք կարողանում էին գալ: Երբ նրանք գալիս էին՝ սենեակի օդը տաքանում էր, սաստիկ տաք վառարանի օդի նման: Նրանց շունչը քիչ էր մնում կտրուի. այդ ժամանակ Շիմշելը փրկարար օրինակ էր ցոյց տալու. նա հանում էր վրայից իւր խալաթը և նըստում սեղանի վրայ լուսամուտի մօտ:

Քիչ լետոյ հիւրերն էլ հանում էին իրանց վերնազգեստները, ասելով. «ներեցէք խնդրեմ», և նոյնպէս նստոտում էին, ո՞վ ուր պատահում էր,—արկղի, կոտրած աթոռների և կամ ուղղակի յատակի վրայ: Այս վերջին դիրքը ամենից աւելի յաճախ վիճակում էր տասնվեցամեայ Մէյերին, ապագայ Ղալիլային (իւր զուարճութեան համար նա նոյն-իսկ իրաւունք չէր համարում հանել իւր բաճկոնը):

Այսպիսի պատկեր էր կազմւում. Շիմշելը նստած սեղանի վրայ՝ բռնում էր գլխաւոր տեղը. մնացած խմբից ամենից աւելի սչքի էր ընկնում փղշտացոց կայսրը, ուրիշ խօսքով՝ նկարիչը, որի ձեռները նախշած էին զանազան նկարներով ելակի գոյնի ներկով, և Ղալիլա—Մէյերի կլոր գէմքը, շոգից և յուզմունքից կարմրած ու քրտինքի խոշոր կաթիլներով ծածկուած: Քիչ լետոյ սկսւում էր իսկական կրկնութիւնը, այսինքն խմբական և առանձնակի երգեցողութիւնը: Այս գործը ղեկավարում էր մորթեգործը, որ խորքում կանգնած՝ ձեռներով չափ էր տալիս. այս դէպքում Մէյերը յաճախ գլխին հարուած էր ստանում. (Մէյերը միշտ տատանւում էր և չէր կարողանում հերթին հասնել):

Ահա այս ժամանակ Յիպայի համար հասնում էին երջանկութեան բոլէները: Որպէս տանտիկին՝ նա ամենեւին չէր մտածում հիւրերին վայելուչ կերպով ընդունելու մասին: Ի հարկէ, սա համարւում է անքաղաքավարութեան նշան, բայց ի՞նչ արած: Զայնական—գրամատիական երեկոներին Շիմշելի և Յիպայի մօտ ոչ մի հիւրասիրութիւն չէր լինում: Եթէ հիւրերից մէկն ու մէկը երկար երգեցողութիւնից յոգնում էր՝ այնպիսին խմում էր մի բաժակ ջուր (մաքուր ջուր, առանց գինու և շաքարի) և ուրիշ ոչինչ:

Յիպան տնտեսութեան հոգսերով զբաղուելու կարիք չուներ, ուստի նստում էր յատակի վրայ, ձեռներով ծնկները բռնած, նայում էր և լռում: Նայում էր ամուսնուն և լսում էր ամուսնուն: Երբ երգում էին միւսները՝ նրա գէմքն անտարբեր, երբեմն նոյն-իսկ արհամարհական էր դառնում. բայց երբ դալիս էր վայելչահասակ մարդու հերթը, որ նստած էր սեղանի վրայ, առանց վերնազգեստի՝ այն ժամանակ, ճ, այն ժամանակ նրա դեղնած, թառամած գէմքը վառւում էր այնպիսի հպարտութեամբ, ընդունում էր այնպիսի անկեղծ հրճուանքի արտայայտութիւն, ով որ նայէր նորան՝ կասէր. «բախտաւոր կին»:

Այն, անկասկած էր, որ իւր համար անմոռանալի այդ երեկոներին Յիպան բախտաւոր էր, հպարտ և ուրախ: Նա մոռանում էր իւր խանութը, իւր պարտատէրներին և այն շեմքերը, որոնց մօտ այնքան կանգնում էին նրա հիւանդ ոտները. մոռանում էր այն սանդուխները, որոնց վրայ նա շնչակտուր էր լինում. մոռանում էր և խտասիրտ խոհարարուհիներին և հասարակաց կարգի պահապաններին. մոռանում էր իւր բոլոր նեղութիւնները և մի միայն մտածում էր. «*՛նխ, ի՛նչ գեղեցիկ է նա, ի՛նչպէս լաւ երգում է նա, որքան յարգում են նրան մարդիկ*»: Երբեմն նա աւելացնում էր. «*ի՛նչպէս ողորմած է Աստուած դէպի ինձ, որ ուղարկել է ինձ այսպիսի երջանկութիւն*»:

Կրկնութիւնները տւում էին երբեմն մինչև գիշերուայ ժամը մէկը, երկուսը, բայց Յիպան մի ըոպէ անգամ չէր գոցում աչքերը: Աշխատում էր չքնել նոյնպէս և Ենովքը, նստած իւր անկիւնում, գեղին կատուն ծընկների վրայ. բայց նրա աչքերը իրանք իրանց փակուում էին և գլուխը չէր կամենում ուղիղ մնալ: Ինչ վերաբերում է միւս երեխաներին՝ Լիբան պառկում էր մօր բարձր դռշակներին վրայ, աչքերը չուսծ և մագերը ցը-

րիւ, իսկ Եսթերիկը և Մէնդելը քնում էին՝ ուր պատահում էր: Լէյգերը ժամանակ առ ժամանակ զարթնում էր, իւր սուր ձայնը միացնում էր միւս երգիչների ձայնին, ուշադրութիւն չդարձնելով նրանց վրայ:

Պուրի՛մ, Պուրի՛մ. չգիտեմ, արդէն քանի՛ հազար տարի սրանից առաջ Արտաշէս թագաւորի նախարար՝ անսիրտ Համանը մտածել է ոչնչացնել ամբողջ իսրայելական ազգը, բայց Մուրթքէն իւր իմաստութեամբ և Եսթեր թագուհին իւր գեղեցկութեամբ փրկել են նրան: Համանը կախաղան է բարձրացել, և իսրայելական ազգը փրկուել է կորուստից: Եւ ահա այս ժողովուրդը մինչև այսօր տօնում է իւր փրկութեան տարեդարձը այնպիսի ուրախութեամբ, որ կարծէք թէ սա երկհազարամեայ տարեդարձ չէ, այլ առաջին կամ երկրորդն է: Ի յիշատակ Համանի գլխատման թխում են առանձին կարկանդակ, որ համանդադ է կոչուում:

Պուրի՛մ, Պուրի՛մ: Օնգրօտի բոլոր հրէաները լցուած են ուրախութեամբ և անսովոր

ցնծութեամբ: Ծերերից սկսած մինչև մանուկները, Հարուստներից մինչև աղքատները բոլորը ուրախանում են (միայն Բօղշիլճներն ու մնացած բանկիրներն այլևս չեն ուրախանում:) Այդ օրը կենդանի, երկար խօսակցութիւններ են տեղի ունենում՝ չքնաղ և բարի—օ, որչափ բարի—թագուհի Եսթերի մասին. ամեն տեղ օրհնում են և իմաստուն Մուրթքէի անունը: Բախտաւոր մարդիկ են այդ Եսթերն ու Մուրթքէն: Նրանց աճիւնները փտել են երկրի խորքում մինչև ամենայետին հիւլէն, իսկ նրանց յիշատակը մինչև այժմ օրհնում են միլիոնաւոր սրտեր:

Շիմշելն ևս ուրախանում է ուրիշների հետ և ամբողջ օրը օրհնում է Եսթերին և Մուրթքէին հանդիսաւոր երկիւղի զգացմունքով. նա վախենում է ոչ թէ այն հասարակութիւնից, որի առաջ պատրաստում է դուրս գալ, այլ յանձն առած գործի մեծութիւնից և լրջութիւնից:

Եթէ Սամսոնի պէս մեծ մարդուն հրապարակաւ ներկայացնելիս նա թէկուզ որևէ բանով արատաւորելու լինի նրա յիշատակը՝ նրա խղճի վրայ մեծ մեղք կճանբանայ: Ոչ, նա պէտք է զեղեցիկ, մեծ, Հզօր լինի՝ ինչպէս որ եղել է Սամսոն: Մինչև-իսկ նա զգում է,

թէ ինչպէս իւր կրծքում եռում են մինչև այժմ անյայտ մնացած զգացմունքներ, թէ ինչպէս իշխանութեան ծարաւը, անբացատրելի տխրութիւնը և անորոշ ուրախութիւնը սաստիկ բաբախեցնում են նրա սիրտը: Շիմշելին թըլում է, թէ նա աւելի է բարձրանում: Ամբողջ օրը նա Յիպալի հետ ոչինչ չէ խօսում. — կկամենար խօսել, բայց չէ կարողանում:

Իսկ Յիպան արտասուում է:

Ախր ինչպէս լաց չլինի, երբ նա չէ կարող թատրոն զնալ և տեսնել իւր ամուսնու առաջին խաղը: Մի ծանօթ տիկին, որին պէտք է նրա ծառայութիւնը՝ հրաւիրել է նրան ամբողջ երեկոյի համար, վերջապէս և խանութը չէ կարելի անտէր թողնել: Լաց է լինում Յիպան, լետ ու առաջ վազվզելով, սանդուխների վրայով այս ու այն բակը մըտնելով և կամ ուժասպառ ընկնելով աթոռի վրայ խանութի հաշուեսեղանի լետև:

Լաց է լինում նոյնպէս և Լիբան՝ իւր բարդ տնտեսական պարտքերը կատարելիս:

Նա նոյնպէս թատրոն չի գնայ, որովհետև նրա հագի զգեստը, նրա միակ զգեստը պատառ-պատառ ցնցոտի է դարձել: Ոտնամաները նոյնպէս մաշուած են: Եւ Լիբան չէ կարող մարդամէջ դուրս գալ: Բայց բա-



րեպաշտ Ենովքը բոլորովին անտարբեր է գեպի առաջիկայ հանդէսը և մինչև-իսկ կամաւ տանն է մնում, որովհետև կրօնական ուղղափառութեան տեսակէտից նա մի քանի կասկածներ ունի:

Իսկ Եսթերիկն ու Մէնդելն առաւօտից զարգարւում են թատրոն գնալու համար և միայն սպասում են այն ըոպէին՝ երբ հարևան երեխաները ճանապարհ կընկեն, որպէսզի հետևին նորանց: Լիբան դեռ լուսաբացից առաջ իւր փոքրիկ քրոջ հագցրել է կապոյտ ատլասէ ոտնամաններ (սպիտակ թելերով կարկտած) և սպիտակ ժապաւէնները, որքան հնար է՝ թագցրել է վարդազոյն զգեստի տակ: Օրը մօտենում էր վախճանին. բայց ոչ հայրն էր տնից դուրս գնացել և ոչ էլ Մովշայի երեխաներն էին պատրաստւում գրնալ: Միայն երեկոյեան աղջամուղջին, երկար ու ջերմեռանդ աղօթքից լետույ, Երմշելը ոտքը դուրս դրեց իւր դռան շեմքից, խոր մտածմունքի մէջ ընկղմուած: Նրա յետևից իրար ձեռքից բռնած՝ քայլ առ քայլ գնում են Եսթերն և Մէնդելը: Նոյն ըոպէին բակի խորքում գտնուող տնակի դռներն աղմուկով բացւում են, և այնտեղից դուրս են թափւում մի ամբողջ խումբ տղաներ և աղջիկ-

ներ, — Մովշայի ու Իցկայի երեխաները:

Եսթերիկն ու Մէնդելն հանդիսաւոր աղաղակ են բարձրացնում: Նրանք թողնում են իրանց հօրը (և շատ վատ են անում) և միանում են փոքրիկ հարևանների խմբին: Բայց փոքրիկ հարևաններն այնու ամենայնիւ մեծ են նրանցից, ունին աւելի երկար ոտներ և կարող են մեծ քայլեր անել: Նրանք անսահման ուրախ են. հագել են իրանց տօնական շորերը, վազում են բարձրաձայն ծիծաղելով, իրար բռնելով և ամենևին ուշք չեն դարձնում երկու փոքրիկ արարածների վրայ, որոնք հետևում են նորանց բոլոր ոյժով, երեսները կարմրած և մազերը խճճուած: Նրանք չեն տեսնում, չեն նկատում, որ Եսթերիկի կապտագոյն ոտնամանները խրւում են ձիւնի մէջ, իսկ Մէնդելի յթասակն ամեն ըոպէ ընկնում է գետին: Համարեա ամեն ըոպէ նրանք ստիպուած կանդ են առնում, և ահա այն ողորմելի ժապաւէնները կրկին դուրս թռան Մէնդելի զգեստի տակից, էլ աւելի զժուարացնելով նրա քայլուածքը: Ուրախ և աղմկալի խումբը շարունակում է հեռանալ, աւելի և աւելի մեծ անջրպետ թողնելով. ահա նա հասաւ փողոցի ծայրին... ահա արագութեամբ շարժւում է լայն, ձիւնապատ ծառուղիով:

Եսթերիկն ու Մէնդելը լարում են իրանց վերջին ոյժերը և հասնում են փողոցի ծայրին: Բայց ո՛ւր են նրանք, որ պէտք է ճանապարհ ցոյց տային. ճեմելիքում չեն. երևի թեքուեցին որևէ կողմնակի փողոց և բալորովին կորան աչքից: Ի՞նչ անեն. երկուսով երթան, այդ լաւ կլինէր, եթէ որ...

Երկու փոքրիկները կրկին բռնում են իրար ձեռքից. նրանք կանգնած են երկու փողոցի հանդիպած տեղում: Նրանց առաջ ձգւում է ծառուղիի անչափելի, անվերջ տարածութիւնը:

Նրանք մինչև այժմ այստեղ չէին եղել. ի՞նչպէս գնան այժմ այս անծանօթ երկրով:

Եւ վերջապէս, եթէ նրանք անցնեն այս ընդարձակ հարթութիւնը, այնուհետև ո՛ւր գնան: Հարթութեան ամեն կողմից այնպիսի երկար, այնպէս սարսափելի կիրճեր են բացւում. արդեօք սրանցից իսկապէս ո՛րն է տանում դէպի նրանց ճանապարհորդութեան նպատակը: Ի՞նչ պէտք է անել:

Շատ պարզ է. երկար խորհրդածութիւններից յետոյ Եսթերիկը սեղմում է իւր փոքրիկ բռունցքները, դնում է աչքերի վրայ, որոնցից հոսում են արտասուքի ամբողջ առուակներ: Մէնդելն հետևում է նրա օրի-

նակին, միայն այն տարբերութեամբ, որ ըսկսում է ողբաձայն և սուր կերպով աղաղակել «տատըլէ»: Եսթերիկը, որպէս աւելի մեծ շատ լաւ իմանում է, որ հայրը նրանց ձայնը լսել չէ կարող. նա ինչ-որ հեռու, հեռու տեղում է գտնւում. իսկ մայրը մօտ է: Նա ուղղում է եղբօր ասածը և գոչում է «մամըլէ». նրանք յետ են դառնում և գնում դէպի տուն: Միւսնոյն ըոպէին Շիմշելը, անտեղեակ այն թշուառութեան, որ հասել է նրա սիրելիներին՝ ներս է մտնում թատրոնական հանդերձանենեակը:

Հանդերձանենեակը լիքն է բազմութեամբ, աղմկալի պայծառ և շատ պայծառ լուսաւորուած: Մովչան իւր վառ կարմիր զարդարանքներով խտտողացնում է մարդու աչքերը: Թիկնաւէտ, ուժեղ, ամուր կազմուածքով և Ֆիզիքական աշխատանքից զարգացած ջղերով Մովչան աւելի պակաս ազդեցութիւն է գործում քան Շիմշելը: Դրա հետ միասին, որպէս փղշտացոց կայսր՝ նա քիչ պարտականութիւններ ունի: Մովչան զգում է իրան հիանալի վիճակի և հոգեկան ամենալաւ տրամադրութեան մէջ:

Ինչպէս վայել է մեծ պետութեան թագաւորին՝ նա հագել է ալ-կամիր անդրավար-

տիք, նոյնպէս բլուզ, դօտեորուած ոսկեթել  
ժապաւէնով: Նրա գլուխը զարդարում է ոս-  
կեայ թագը՝ ալ-կարմիր փունջերով, իսկ գո-  
տուց կախուած է իսկական սուր, որ աղեր-  
սելով և արտասուելով ստացել է նա ստորին  
կարգի մի զինուորականից: Մովշան ոտքից  
գլուխ այնպէս կարմիր է, որ գործի էու-  
թեան անծանօթ մարդ կկարծէր, թէ նա  
պատրաստուում է միջնադարեան դահճի դեր  
խաղալ: Իրօք՝ սա իսկական արքայական ըզ-  
զեստ է, և նոյնքան արքայական է երևում  
Մովշայի ամբողջ դէմքը, որ զարդարուած է  
մի փառաւոր կարտօնէ քթով, ահագին բե-  
խերով և իծանման միրուքով à la Նապօլէօն:  
Ահա արդէն մի քանի ժամ է, որ նա անցու-  
դարձ է անում հանդերձանոցում, զխկայնում  
է սուրը և եռանդուն կարգադրութիւններ է  
անում իւր զօրքի համազգեստի մասին: Փոքր  
բանակ չէ դա. կազմուած է չորս զինուորից  
և մի առաջնորդից: Առաջնորդը, որ նաև  
թագաւորի մերձաւորն և առաջինն է՝ կլայեկ-  
չի Իցկան է. սա հագել է դեղին կապայ, ար-  
ծաթեայ թիթեղներով զարդարուած: Բնու-  
թիւնից նա թուխ է. բայց որովհետև Շիմ-  
շելն էլ, փղշտացոց կայսրն էլ նոյնպէս  
թուխ են՝ ուստի Իցկան դրել է բոցակար-

մրագոյն կեղծծամ և վրան էլ կանաչագոյն թե-  
թեւ գլխարկ: Զինուորներն այնքան էլ ճոխ  
չեն հագնուած, բայց և այնքան լաւ, որ պա-  
տիւ են բերում իրանց տիրոջ: Բոլոր այս աս-  
պետները, ինչպէս առհասարակ վայել է աս-  
պետներին՝ շատ վաղ են պատրաստուած պա-  
տերազմի դաշտ դուրս գալու: Միմիայն Դա-  
լիլան, որպէս տիկին, դեռ պատրաստ չէ:

Այստեղ հանդերձասենեակի անկիւնում,  
ուր համախմբուած են այնքան մարդիկ, Մէյ-  
երը, մորթեգործ Ավսելի որդին, քիչ է մնում  
ամօթից և զսպուած ուրախութիւնից քար  
կտրի, երբ ահագին ուռած շրջագգեստի վը-  
րայից նորան հագցնում են կապտագոյն շոր,  
իսկ թանձր ալիքներով ուսերի վրայ թափուող  
կեղծծամի մէջ հագցնում են երկու ահագին  
կարմիր վարդ: Մէյերի ուռած, գրեթէ ման-  
կական դէմքը նոյնպէս կարմիր է՝ որպէս այդ  
վարդերը. մեծ ձեռները տարակուսանքով  
մտնում են յարդագոյն ձեռնոցների մէջ և  
վերցնում են վարդագոյն կտորից շինուած  
հովհարը: Յարդագոյն ձեռնոցներով, հովհարը  
ձեռքին՝ Մէյերը, մէջքը պատին տուած՝ կան-  
գնում է ուղիղ և անշարժ, իսկ նրան զար-  
դարող անձինք (իհարկէ արական սեռի)  
փղշտացոց կայսրի առաջնորդութեամբ դի-

տում են նրան ոտքից մինչև գլուխ և մի-  
աձայն կրկնում են. «գեղեցիկ տիկին»:

Այդ րուպէին ներս է մտնում Շիմշելը:  
Հանդերձասենեակում տիրում է լուռութիւն,  
որպէս նշան կատարեալ յարգանքի: Շիմշելը  
չէ խանգարում այդ լուռութիւնը ոչ մի խօս-  
քով. մօտենում է սեղանին, որի վրայ փըռ-  
ուած է նրա թատրոնական զգեստը. սկսում  
է հագնել դէմքի մի այնպիսի հանդիսաւոր  
արտայայտութեամբ՝ ինչպէս սովորաբար հա-  
գնում են տալէսը աղօթքից առաջ:

Վաղուց արդէն հասել է ժամանակը, որ  
գերասանները վերջացնեն իրանց զարգարանքը:  
Թատրոնական դահլիճում հաւաքուած հան-  
դիսականներն սկսում են անհամբերութիւն  
ցոյց տալ:

Թէ դա ի՞նչպիսի դահլիճ է, սրտեղ է գը-  
տնւում և ի՞նչ ձևով է այս երեկոյ ընկել  
սիրողների տրամադրութեան տակը՝ այդ եր-  
կար կլինէր պատմել: Աշխատանք, զարգա-  
րանք և ամեն տեսակ անախորժութիւններ այդ  
դահլիճի համար քիչ չեն եղել: Վերջիվերջոյ  
դահլիճը ճարուեց: Փողոցից դէպի այնտեղ  
տանում է մի ահագին այր, ուրիշ խօսքով՝ նա-  
խասենեակը. այս նախասենեակում, ճարպի մօմի  
լոյսի առաջ, բարձրանում էր բուժէտը, որտեղ

առատ էին մածուցիկ և ոչ այնքան գրաւիչ  
կօնֆետներ, կիսով չափ փտած խնձորներ ևն:

Մարդկանց խմբերն անցնելով այս այրից՝  
կարողանում են վերջապէս հասնել շատ նեղ  
և անչափ երկար դահլիճին, որի յատակի վը-  
րայ, հանդիսականների յարմարութեան համար,  
շարուած են փայտի կոճղեր: Այդ փայտերն  
ունէին կիսաշրջան մակերևոյթ և առանձին  
դիւրութիւն չէին ներկայացնում նրանց վրայ  
կանգնողների համար: Բժախնդիր մարդը կա-  
րող էր մի բան ասել նաև լուսաւորութեան  
մասին. որովհետև պատուաւոր հանդիսա-  
կանների համար բեմի առաջի նստարանները  
լուսաւորուած էին, մինչդեռ բոլոր մնացածը  
խորասուզուած էր խաւարի մէջ, այնքան խոր  
խաւար՝ որքան ամենասարսափելի յուսահա-  
տութիւնը:

Նուագածուների խումբը բացակայ էր.  
նրա փոխանակ առաջում դրուած էր մի բազ-  
կաթոռ, որի վրայ բազմել էր մօրթեգործ  
Ովսելը: Նա նստել էր երեսը ոչ թէ դէպի  
բեմը, այլ դէպի հասարակութիւնը, որով-  
հետև պէտք է ղեկավարէր ոչ թէ նուագա-  
ծուների խումբը, այլ հասարակութիւնը: Իե-  
րասաններն առանց այն էլ լուս գիտեն իրանց  
դերերը և հարկ եղած դէպքում կարող են

դիմել եռանդոտ և փորձառու Մովշայի (վրդտացոց կայսրի) օգնութեանը:

Բայց հասարակութիւնը անհանգիստ և անհնազանդ տարր է: Նրա ցոյցերը կարգի տակ դնելու համար ըէժիսսօր Ովսելը նստել է այնտեղ՝ ուր սովորաբար գտնուում է երաժշտապետը:

Հէնց հիմայ էլ փայտի կոճղերի վրայ կանգնած մարդիկ սկսում են աղմուկ բարձրացնել աշկարայ անհամբերութեամբ... էլի մի բոպէ՝ և կբարձրանայ սարսափելի խառնակութիւն: Բայց Ովսելի լայն թիկունքի լետեից բարձրանում է վարագոյրը... աղմուկը դադարում է, ասես դիւթական գաւազանի շարժումով, և մեռելային լուութեան մէջ հնչում է առիւծի երկարաձիգ և ահաւոր մռնչիւնը...

Բեմը ներկայացնում է անապատ:

Խորքում աղօտ կերպով ծրագրւում են մի քանի արմաւենիներ: Երևի դա օվազիս է: Օվազիսից դուրս է գալիս մի ահագին մեծութեան և ընկուզագոյն առիւծ, վառ պսպղուն աչքերով:

Չուր չէր, որ անապատի թագաւորը այնպիսի սարսափելի մռնչիւն արձակեց. նրա հոտառութիւնը սուր է. շատ հաւանական է, որ նա զգաց մարդու մօտենալը:

Ահա և մարդը: Նա նոյնպէս դուրս է գալիս արմաւենիների լետեից, միայն ուրիշ կողմից. դուք երևի հասկանում էք, որ սա Սամսոնն է:

Մի՞թէ սա Շիմշելն է:

Ո՞րպիսի այլակերպութիւն: Եթէ Յիպան այստեղ լինէր՝ նա էլ չէր ճանաչի իւր ամուսնուն: Նա թւում է աւելի բարձր, աւելի քաջ. իւր ցուցմունքներով պատրաստուած զգեստը զուրկ չէր փայլից և արժանաւորութիւնից:

Սյս զգեստը ոսկեթելերով բանուած մի կարմիր շապիկ է, սպիտակ վերարկու, որի վրայից թափուած են նրա սև երկար մազերի արիքները: Սամսոնի կուրծքը ծածկուած է ադամանդեայ մանեակով. գլխին ունի ոսկեայ սաղաւարտ, ադամանդեայ զարգմանակով:

Ես չեմ կարող ձեզանից թաքցնել, որ ոսկու դերը խաղում է այստեղ արօյրը, իսկ ադամանդները ուլունքներ են. բայց Սամսոնի արտաքինը ոչինչ կեղծ բան չունի. նրա արժանաւորութիւնն ու քաջութիւնը պարզ են՝ որպէս լստակ ջուր: Կերասանն այնպէս է մտել իւր դերի մէջ, որ բոլորովին միացել է իւր ներկայացրած անձի հետ:

Համարձակ և վստահ իւր ոյժերի վրայ՝

նա մօտենում է անապատի թագաւորին և սրա կրակոտ հայեացքին պատասխանում է խաղաղ, մի փոքր հեզնական նայուածքով: Առիւծն այս համարձակութեան վրայ զարմացած՝ բարձրանում կանգնում է լեռին թաթերի վրայ (կուլիսների լետևում թագնուած Մովչան քաշում է այն թելը, որ փաթաթուած է անապատի թագաւորի առաջին թաթերին) և մռնչիւն է արձակում. (Ինչ զօրեղ թռքեր են ունենում երբեմն նշանակների նկարիչները): Հասարակութիւնը սարսափում է, բայց Սամսոնին ոչ մի բան չէ վախեցնում:

Մի ոստիւնով նա անցնում է բեմից, և ապշած հանդիսականների աղաղակը դեռ չը լուած՝ նա առիւծին պատառում է երկու հաւասար մասերի:

— Բրավօ, բրավօ, բրավօ, գոչում են նստարաններից բարձր շրջանները. իսկ խաւարից, ուր խորասուզուած եւ ստորինները՝ լսում են ուրախութեան և յաղթանակի ձայներ...

Մորթեգործ Ովսելը վեր է կենում տեղից, պտտացնում է երկու ձեռները և գոռում,

— Stille! (լուութիւն):

Խաւարը լուում է. իսկ Սամսոնը բեմի առաջամասում կանգնած՝ ցոյց է տալիս հան-

դիսականներին մեղրի խորիխը, որ գտնուել է պատուած առիւծի բերանում, այն թշուառ առիւծի, որի երկու մասերը ընկած են իրարից քիչ հեռու, և որի աչքերը առաջուայ պէս շարունակում են փայլել:

Սամսոնի դէմքի վրայ երևում էր նրա կրած զգացմունքների պատկերը:

Առիւծին երկու մաս անե՛լ: Շիմշելը առաջ իւր մէջ չէր զգում այսպիսի ոյժ: Երևում է, թէ ինչպէս նրա սիրտը լցւում է ուրախութեամբ, որ վերջապէս զեղւում է գոհութեան և յաղթանակի երգով:

Նրա ձայնը հրաշալի է, արձակ և բաւական մշակուած տենօր: Չնայելով ձայնական անբարեյաջող պայմաններին՝ նրա ձայնի հընչիւնները լցնում են ամբողջ ցած դահլիճը ծայրից ծայր, լողում են այնպէս յստակ, որ մինչև իսկ բարձր շրջանները լսում են անկեղծ բաւականութեամբ, իսկ ստորինները այնպիսի հոգեզմայլութեան մէջ են ընկնում, որ ըէժիսօր Ովսելը երկար ժամանակ եռանդով աշխատում է կարգը վերականգնելու համար:

Երկրորդ պատկերը ներկայացնում է մի արտ:

Հանդիսականների աչքի առաջ կան առնուազն յիսուն հասկ, իրարից բաւական հեռու կանգնած:

Հասկերի առաջ կանգնած է Սամսոն և երգում է: Նրա երգից մենք իմանում ենք, որ արտը փղշտացու է և որ նա պատրաստուում է ոչնչացնել: Եւ լիրաւի, գէպի փղըշտացիները ատելութեամբ լցուած իւր երգը հազիւ է վերջացրել՝ որ հասկերի մէջ սկսեցին երևալ դեղին աղուէսները: (Այժմ ոչ միայն Մովշան, այլ և նրա մերձաւոր Իցկան ստիպուած էին քաշել խորհրդաւոր թելերը): Աղուէսների յետեից փայլեցին կապոյտ ծիրանեզոյն կրակները, որոնք վերջապէս մարեցան, բոլոր դահլիճը լցնելով թանձր ծխով և ծծումբի սաստիկ հոտով: Բարձր շրջանները հազում են և կնճռում գէմքերը, իսկ խաւարի մէջ կատարեալ ուրախութիւն է տիրում, այս անգամ առանց ըէթիսօր Ուսելի որևէ միջամտութեան: (Ով սելը նոյնպէս դրել էր քթին կարմիր թաշկինակը և սաստիկ հազում էր): Հազը մի կողմից, բաւականութեան բուռն ցոյցերը միւս կողմից, տևում են մինչև այն ժամանակ՝ երբ կրկին բարձրանում է վարագոյրը: Արմաւենիների տակ, բեմի խորքում նըստել են երեք ծեր հրէաներ և ողբում են իրանց հայրենիքի թշուառութիւնն ու փղըշտացոյ գազանութիւնները: Ծերուհիները

հազել են երկար շորեր. նրանց սպիտակ մազերը թափուած են մորթեայ գլխարկների տակից, որոնք կիսով չափ ծածկում են տարիներից և ձախորդութիւններից կնճռած ճակատները, իսկ ձեռներում երկար փայտեղուհին:

Նրանց ձայները դողդողում են և շատ լաւ ցոյց են տալիս նրանց սրտերը լցնող յոյզն ու կսկիծը:

Նրանց երգի բառերից մենք իմանում ենք, որ փղշտացոյ թագաւորը իսրայելացոյ ազգի հետ խաղաղութեան դաշն կապելու միակ պայման դրել է՝ «Հօր Սամսոնին» յանձնել: Ծերուհիները վճռում են խնդրել Սամսոնին, որ նա կամաւ զսէ իւր անձը հայրենիքի փրկութեան համար և անձնատուր լինի թշնամուն: Նրանք կամենում են զնալ նրա մօտ... բայց ահա նա ինքը:

Բեմը իսկապէս ողբերգական դրութիւն է ներկայացնում: Անձնատուր լինել թշնամուն... ծաղր ու ծանակի, անարգանքի և սոսկալի մահուան համար: Այն ժամանակից, երբ Շիմշելը Սամսոն դարձաւ՝ ծանօթացաւ փառքի և յաղթութիւնների հետ. այժմ էլ նա խորին վիշտ և զայրոյթ է զգում: Միւս կողմից պարտականութեան գիտակցութիւնը և հայրենիքի սէրը իրանց բանն անում են:

Նայեցէք, ինչպէս փոխուում է նրա դէմքը, որպիսի մահուան գունատութիւն է պատում նրա ճակատն ու այտերը, նրա աչքերը ինչպէս մերթ վառուում են ատելութեան կրակով և մերթ լցուում են ցաւակցութեան արտասուներով: Իրա՛վօ, բրա՛վօ:

Մենք այժմ արդէն տեսնում ենք ոչ թէ Հասարակ դերասան, այլ իսկական գեղարուեստագէտ, որը մինչև իւր էութեան ամենանուրբ թելերը զգում է, որ ինքը տղամարդ է, Հզօր ոյժերով և հրաբոյսային հոգով: Նա երկար ժամանակ տանջուում է ներքին կռուով. լեռայ յանկարծ մեկնում է զոյգ ձեռները դէպի հրէից ծերերը, և նրա կրծքից դուրս է թռչում մի բարձր աղաղակ:

— Կապեցէք:

Սյս աղաղակի մէջ լսուում է հոգեկան բոլոր ցաւն ու բարձր անձնագոհութիւնը: Հրէից ծերերը, կապելով հերոսի ձեռներն ու ոտները՝ արտասուում են: Առաջին կարգի հանդիսականների աչքերում նոյնպէս երևում է արտասուներ. խաւարից լսուում են հառաչանքներ և հեծկլտանքներ: Իէժիսսօր Ովսելը ոչնչի վրայ ուշադրութիւն չէ դարձնում, որովհետև ծածկել է իւր դէմքը կարմիր թաշկինակով և նոյնպէս արտասուում է:

Սյս ժամանակ լսուում է աղմուկ, զէնքի շաչիւն, ձիերի տրոփիւն... փղշտացոյ կայսրը երևում է իւր շքախմբով, և կապուած Սամսոնին տեսնելով՝ չափազանց գոռոզ դիրք է ընդունում:

Գերին կանգնած է անշարժ, արժանապատուութեամբ լի: Նա լուռ է և խաղաղ աչքերով նայում է թշնամու դէմքին:

Բայց փառաւոր քթով, à la Նապօլէօն զարդարուած միրուքով այդ դէմքը նայում է չարութեամբ և հեզնութեամբ: Բոլոր ասպետական սովորութիւնների հակառակ՝ փղշտացուց թագաւորն ու նրա շքախումբը թոյլ են տալիս իրանց անգէն թշնամու գըլխին թափել զանազան վիրաւորանքներ և անվայել կատակներ:

Սամսոնը համբերում է, բայց ոչ երկար: Պարզ է, թէ ինչ փոթորիկ է եւում նրա ներսում, ինչպէս յուսահատութիւնը փոքր առ փոքր տեղի է տալիս զայրոյթի, ինչպէս նրա մկանունքները լցուում են արիւնով:

Յանկարծ նա ոտքից ցզլուխ ցնցուում է. նրան կապկապող պարանները ցրիւ են գալիս ինչպէս սարդի ոստայն: Եւ մինչև որ փղշտացիք կարողացան ուշքի գալ՝ նա կռւում է, վերցնում է նա իւր ոտքերի տալ



ընկած իշի ծնօտը: Ձեռքի մի լայն շարժում, մի ակնթարթ—և փղշտացոց զօրքը գետին է թաւալւում, իսկ նրանց թագաւորն ամօթալի փախուստով փրկութիւն է որոնում:

Այն ժամանակ, յաղթական հրճուանքով, իւր և իւր հայրենիքի փրկութեան ուրախ գիտակցութեամբ լցուած՝ նա այնպէս գեղեցկանում է, ինչպէս նրան երբէք չէր տեսել նոյն-իսկ Յիպան, որ զովաբանում էր նրա գեղեցկութիւնը: Իւր զարհուրելի գէնքը բռնած ձեռքում, ժպիտը շրթունքներին, սպիտակ, մինչև գետին հասնող վերարկուն վրան՝ նա լիքը կրծքով Երզում է յաղթանակի և ուրախութեան օրհներգութիւն: Գովում է Եհովային, որ օգնեց իրան յաղթել այս զօրաւոր հաղարներին: Միթէ, լիրուի, յաղթական Սամսոնի ոտների տակ պառկած են յաղթուած հաղարներ, Միթէ նրա գէնքը իսկապէս իշի ծնօտ էր, և ոչ թէ եզան ուղի ոսկր:

Այդ միևնոյն է. բաւական է, որ Շիմշելը այդ ժամանակ գեղեցիկ է, հզօր և բախտաւոր և որ, երբ վարագոյրն իջաւ՝ Ովսելն սկսեց բոլոր ոյժով ազադակել.

«Still, maaa! maaa!» իսկ լետոյ զգալով իւր բոլոր անզօրութիւնը՝ ներս մտաւ խա-

ւարի մէջ և շուտ դուրս եկաւ այն տեղից մի երեխայի հետ, որին թեւնոցից բռնած քաշ էր տալիս դէպի նախասենեակի դռները, ուր և երեխան անյայտացաւ: Խեղճ երեխայ, նա իւր կեանքում երբէք այդքան դիակներ չէր տեսել մի անգամից: Մեռած փղշտացիք չափազանց զարմացրին նրան, և երբ մանաւանդ նրանցից մէկը, (կարծեմ կայսրի մերձաւորը) Սամսոնի երկար երգի ժամանակ սկսեց շարժուել, որ աւելի յարմար պառկի՝ երեխան գոռաց և միւսները հետևեցին նրա օրինակին:

Կաղմուեց մի խմբերգ, որ օպերայի հեղինակն ամենեւին չէր նախատեսել, և միայն Ովսելը սահման դրեց դահլիճի այս անվայել ընթացքին, հեռացնելով անկարգութեան ըսկզբնապատճառին:

Հագիւ ըէժիսսօրը վերադարձաւ իւր տեղը՝ երբ վարագոյրը կրկին բարձրացաւ: Այժմ մենք մի բոլորովին անսովոր բան ենք տեսնում:

Ինձի կենտրոնում կանգնած է—մի կարծէք խնդրեմ, որ դա սօգայի ջուր վաճառելու տնակ է—կանգնած է հրաշագեղ և զբրոււիչ փղշտացուհու՝ Դալիլայի պալատը: Պալատի բաց դռները զարգարուած են քաթանէ վարագոյրներով, որոնց եզրերը բանուած են

ծաղկանկարներով, (ճիշտ այնպէս՝ ինչպէս սօ-  
ղալի ջուր վաճառելու տնակներում): Մի կող-  
մից պալատի պատը միապաղաղ է, իսկ միւս  
կողմից ունի մի լուսամուտ:

Վարագոյրի յետևում վիեննական աթոռի  
վրայ նստած է Դալիլան, կապտագոյն զգես-  
տով և հովհարը ձեռքին: Նստած է նա և մեծ  
մանկական աչքերով ուղղակի նայում է հա-  
սարակութեան, ապա վեր է կենում և վարա-  
գոյրի յետևից դուրս գալիս: Վերջապէս նա  
սկսում է երգել հիանալի բաս ձայնով:

Երգում է նա այն մասին, թէ ինչպէս  
գրաւէ Սամսոնին իւր հմայիչ գեղեցկութեամբ,  
որպէսզի դուրս քաշէ նրանից նրա զարմանա-  
լի ոյժի գաղտնիքը:

Դալիլան մի փոքր դժուարութեամբ է  
շարժւում երկար զգեստի և շրջազգեստի եր-  
կաթեայ օղերի մէջ. բացի սրանից նա բոլո-  
րովին չգիտէր, թէ ինչ անէ հովհարը:

Ալիքանման խոպուպները, որոնք թափ-  
ւում են նրա ճակատի և ուսերի վրայ՝ էլ  
աւելի են սաստկացնում շոգը, որ պատճա-  
ռում է նորան այնքան հանդիսականների ու-  
շադրութիւնը: Նրա բաս ձայնը դողդողում է,  
և նա կանացի քնքոյշ կոկորդին բոլորովին  
անսովոր նօտաներ է վերցնում, կապոյտ աչ-

քերում երևում են յուզմունքի արտա-  
սունքներ:

Շիմշելը երբէք նրա նման գեղեցիկ կին  
տեսած չէ:

Բեմ դուրս գալով, տեսաւ նա արդեօք  
Դալիլային նրա իսկական դրութեան մէջ:—  
Յայտնի չէ: Ես յետոյ լսեցի, որ Մէյերի կար-  
միր այտերի, կապոյտ աչքերի և ալիքանման  
խոպուպների փոխարէն՝ Շիմշելը տեսնում էր  
սև, ծանր հիւսով պսակուած թուխ-գու-  
նատ դէմք, որ նայում էր նորան աստղերի  
նման վառուած երկու աչքերով:

Նա տեսնում էր այդ սև աչքերում ան-  
յաղթելի կրքի բոլոր տաքութիւնը, իսկ նրա  
առաջ կանգնած պատկերը վայելչահասակ էր,  
ճկուն, և նրանից, ինչպէս միջօրէի արեգակից  
հրաշէկ դարձած երկնքից՝ բուրում էր արև-  
ելքի հեշտասիրութիւնը:

Այն, ինչ որ զգում էր այժմ Շիմշելը՝  
նա դեռ երբէք չէր զգացել և չէր էլ կարող  
նրա անունը տալ. բայց երբ մօտեցաւ իւր ա-  
ռաջ կանգնած հրաշալի տեսիլին, երբ սկսեց  
երգել՝ նրա ձայնն այնպէս քնքոյշ էր հըն-  
չում, այնպէս ջերմ աղբստով, որ Դալիլան  
զարմանքից չուէր իւր աչքերը և մեկնեց նօ-

րան իւր ձեռքը աշկարայ յուզմունքով: Եիմ-  
շելը արագութեամբ բռնեց հրաշագեղ փղըշ-  
տացուհու ձեռքը, սեղմեց իւր սրտին և գը-  
րոշմեց նրա շրթունքներին մի այնպիսի համ-  
բոյր, որ Գալիլան բոլորովին յուզուելով՝  
դուրս պրծաւ նրա գրկից և ընկաւ վիեննա-  
կան օթոռներից մէկի վրայ, որոնք դրուած  
էին նրա պալատի պատշգամի առաջ:

Մի փոքր ուշքի գալով՝ Եիմշելը նստեց  
մի օթոռի վրայ: Սկսուեց դուէտը: Այդ դու-  
էտում վճուում էր Սամսոնի բախտը: Նա  
ծածկամիտ էր, բայց Գալիլան իգուր չէր  
գործ դնում բոլոր իւր հմայքը: Սամսոն նը-  
րա առաջ կանգնած իգուր էր աղերսում.  
«Այդ քո գործը չէ»: Գաւաճան կինը շատ լաւ  
գիտէր, որ այս գործում խառն են իւր շա-  
հերը, և այնքան ժամանակ երգեց բաս ձայ-  
նով— Եիմշելը բասի փոխանակ լսում էր  
հրաշալի մէցցօ-սօպրանօ,—այնքան ժամա-  
նակ չուեց նրա վրայ իւր կապոյտ աչքերը,  
—Եիմշելը, փոխանակ այդ աչքերի, տեսնում  
էր երկու սև վառուող ազամանդներ,—մինչև  
որ կռուից յոգնած՝ նա ձեռք առաւ իւր խիտ  
մազերը և երգեց. «Որանց մէջն է իմ ոյժը»:

Գալիլան վեր կացաւ, յաղթական ձևով  
բաց արեց հովհարը, ուղղեց ճակատին խըռ-

նուած մազերը, սրբեց քրտինքի խոշոր կա-  
թիլները կարմրած ճակատից, թքեց դէպի մի  
կողմ և ձեռք տուեց յաղթուած հսկային:

Նոր համբոյր է ստանում Մէյերը, նոր  
երկիւղ է տիրում նորան. նա չէ կարողանում  
հասկանալ, թէ ինչո՞ւ Եիմշելն այդպիսի կըր-  
քով է գրկում նրա իրանը, այդպէս պինդ է  
սեղմում շրթունքները նրա շրթունքներին:  
Ապա սիրահարուած զոյգը ծածկուում է դաւա-  
ճան կնոջ պալատի խորքում, ծաղկանկարնե-  
րով զարդարուած վարադուրներէ յետևում:

Երևում են փղշտացիները: Սա ի՞նչ բան է.  
նոյն անձինքն են՝ որոնք երրորդ գործողու-  
թեան մէջ ընկան Սամսոնի ձեռքից:

Աւելի ևս մեծ ատելուլթիւն պիտի զգան  
նրանք դէպի իրանց սպանողը: Նրանք սպա-  
սում են Գալիլային, թագնւում են պալատի  
դռների յետևում, ներս են նայում լուսամուտ-  
ներից և իրար խորհրդաւոր նշաններ են  
անում...

Բայց ո՞հա և Գալիլան:

Նա դուրս է գալիս վարադուրի յետևից,  
վարդագոյն մշտական հովհարը մի ձեռքին,  
և երկար սև մազերի մի ահագին փուռնջ միւս  
ձեռքին: Փղշտացիներին աննկարագրելի ցըն-  
ճուլթիւն է տիրում: Ինքը, կայսրը, ի նշան

գոհունակութեան՝ սեղմում է Դալիլայի ձեռքը: Ասպետները մերկացնում են սրերը և վրէժխնդրութեան աղաղակով յարձակում են պալատից դուրս եկող Սամսոնի վրայ: Սամսոնը ինքն իրան նման չէ. առանց սաղաւարտի, առանց մազերի, առանց սպիտակ վերարկուի. նա անձնատուր է լինում թշնամիներին, որոնք կուրացնում են նրան առանց այլևայլութեան:

Վարագոյրը իջնում է. դահլիճում սպառնալից գերեզմանական լուութիւն է տիրում, միայն խաւարի մէջ լսում է հեծկտանք...

Իգուր չեն արտասուում բարի հոգիները, թատրոնական հանդերձասենեակում նստած է Սամսոնը, մահուան գունատութիւն դէմքին և աչքերը փակած:

— Բաբբի, ասում է Մովզան, նայեցէք, ահա այն պալատը, որը դուք բեմի վրայ պէտք է խորտակէք .. Գուցէ նա չափազանց ծանր է ձեզ համար, չփոքրացնեմ:

Բայց Շիմշելի կրծքի մէջ փոթորիկ է եռում: — Թշնամիները խլեցին իմ աչքի լոյսը, վշտահար կերպով շշնջում է նա. ես կուրացայ և իմ աչքերը երբէք չեն տեսնի Յաւիտենականի արդար գործերը:

— Լսեցէք, ասում են իրար փղշտացիք և

նայում են միմեանց տարակուսուած հայեացքներով: — Նա կարծում է, որ մենք իսկապէս կուրացրինք նրան:

Սյգ ժամանակ հանդերձասենեակից անցնում է Դալիլան: Շիմշելը լսեց նրա շօրերի խըշխոցը և բարձրացրեց արտեանունքները: Նրա աչքերը բարկութեան և յուսահատութեան շանթեր են արձակում, գունատ այտերի վրայ երևում է սաստիկ կարմրութիւն:

— Սյգ ի՞նչ արիր ինձ, այդ ի՞նչ արիր: Դու կորցրիր ինձ. շնորհիւ քո նենգաւորութեան ես կորցրի աչքերս և զերի ընկայ:

Նրա ձայնը աւելի և աւելի բարձրանում է. նա սեղմում է բռունցքները և յարձակում Դալիլայի վրայ: Գեղեցիկ փղշտուհին վախենում և փախչում է սենեակի հեռաւոր անկիւնը, ուր ծածկւում է հրէից ձերբերից մէկի երկար ծաղկաւոր խալաթով: Մովզան նայնպէս ծածկում է նրան իւր լայն կրծքով. նա չէ կարողանում ձեռք բարձայնել գիտնական մարդու վրայ և միայն յուսահատ ձայնով կրկնում է:

— Բաբբի, այն, վայ, բաբբի: Շիմշելի զայրոյթը սահայն շատ կարճ է տևում և փոխւում է խոր և անկեղծ վշտի:

Նա ընկնում է նստարանի վրայ, ծածկում է աչքերը և սկսում է հառաչել: —

— Օ, ես նայում էի քո դէմքին՝ ինչպէս բոց, և իմ ամբողջ սիրտը հալւում էր նրա առաջ, և դու ինչ կորցրիր: Կորաց ես, Գալիլոս, կորաց, կորաց: Բայց կուրացած հերոսի գանգուրների վրայ այլևս ոչ ոք ուշադրութիւն չէ դարձնում բացի Գալիլայից, որ իւր գլուխն ազատելով խոպուպներից և վարդերից՝ շփոթուած նայում է նորան:

Ի՞նչի վրայ բարձրանում է մի պալատ, բայց ոչ այն, որ կար նախորդ գործողութեան ժամանակ. սա կազմուած է երկու կարտօնէ սիւններից, որոնք վերևում միացրած են կարտօնէ սիւներով: Սիւների մօտ փղշտացիք խնջոյք են անում, ուրախանում, երգեր են երգում և իրանց ուրախութիւնը կատարեալ դարձնելու համար՝ հրամայում են բերել կուրացած գերին: Սամսոնը երկու զինուորների հսկողութեամբ գալիս է, աչքերը ծածկուած, բայց անվախ և սաստիկ տխուր:

Գուք, իհարկէ, նկատեցիք, թէ ինչպէս այս մի ժամում գունատուել է նրա դէմքը: Գունատ այտերը խոր են գնացել, իսկ փակած աչքերը եզերուած են մուգ շրջագծերով:

Սո՛ր, ես համաձայն եմ ձեզ հետ, որ այդ դէմքը կրում է իւր վրայ յուսահատութեան, ատելութեան և վշտի դրոշմը:

Փղշտացիք ծիծաղում, կատակ են անում, պատմում նրա հայրենիքի աւերածութիւնը. իսկ նա, գերին, կոյրը, անզօր հսկան, չէ կարող այլևս նրան պաշտպանել:

Իզուր են արտասուում հրէից ծերունիները, իզուր հրէից կանայք իրանց ողբերով լցնում են օդը, իզուր քաջ տղամարդիկ իրանց արիւնով ողողում են աւերուած Հրէաստանի աճիւնը: Սամսոնն այլևս չի պաշտպանի հայրենիքն իւր կսւրճքով. զրկուած բոլոր ոյժերից՝ չէ կարող ազատութեամբ տիրել թըշնամիներին. նրա աչքերը պատած են յուսահատական խաւարով:

Շիմշելը լսում է կատակները, ծաղրը, թշնամիների սնապարծ պատմութիւնները, և քիչ-քիչ բարձրացնում է գլուխը: Զողափայտով և անհաստատ քայլերով մօտենում է սիւններին և կանգ առնելով՝ սկսում է երգել:

Ի՞նչ խոր ցաւ է զգացում նրա ձայնի մէջ, ի՞նչ վշտոտ ձայներ են թռչում նրա կրծքից: Նա խնդրում է Եհովայից ոյժ, իւր նախկին ոյժը: Նա տենչում է ունենալ այն ոյժը մի րոպէ միայն, մի ակնթարթի տևողութեամբ:

նա վեր է բարձրացնում իւր դողդողուն ձեռները և տանջանքով խեղաթիւրուած գէմքը:

Յիրաւի այժմ, երբ նա կանգնած է կարտօնէ սիւների մէջ, լուսաւորուած այն լամպով, որ փղշտացիներից մէկը բռնել է հէնց նրա գէմքի առաջ՝ Շիմշելը նման է «միլիոնների վշտով» տանջուող մարտիրոսի:

Լամպը (որ երևի բռնել էր պատկերներն ակելի լուսաւորելու համար), սարսափելի այրում է նրա այտը: Նա լետ է մղում լամպը բարկացած, եռանդոտ շարժումով երկու ձեռքով բռնում է սիւները, ցնցում է և փաւ է բերում փղշտացոց վրայ. նրանք ճչալով գետին են թափւում:

Սպանուած են բոլորը, սպանուած է և Սամսոնը: Սպանուածների մարմիններն ընկած են պալատի աւերակների տակ: Վարագոյրն իջնում է հասարակութիւնն սկսում է կատաղի կերպով ծափահարել:

Բարձր և ստորին շրջանները, թէ լուսաւորուած և թէ խաւարի մէջ ընկզմած նրստարանները, ամենքը միանում են մի զգացմունքով, ծափահարում են, ծիծաղում են, արտասուում, ողբում, դուրս են կանչում Սամսոնին, կայսրին, Իալիլային, հրէից ծերերին,

այնպէս յայտ

և ըէժիսսօր Ովսելը էլ չէ հակառակում դորան: Թիկունքը յենած բեմի վանդակապատին՝ նա կանգնած է մռայլ, տխուր .. Ս.հա և տօնի վերջը, որի մասին նոյն-իսկ մտածելն երկու ամիս շարունակ՝ այնքան մեծ բազմազտնութիւն էր մտցնում մի խումբ աղքատ մարդկանց միակերպ կեանքի մէջ:

Ներկայացուածից յետոյ դերասանները, չը հանելով իրանց թատրօնական շորերը, հէնց հանդերձասենեակում խմում են երկու շիշ մեղրաջուր և երգում են ուրախ խմբական երգ: Այդ երգով նրանք գնում են հարուստ վաճառականների և քարէ տների տէրերի բնակարանները: Այնտեղ նորանց սպասում է առատ հիւրասիրութիւն. այնտեղ նրանք կպարեն, կերգեն և կուրախանան ամբողջ գիշերը և նրանց ձեռքը շատ արծաթէ զրամներ, շատ մանէթանոց թղթազրամներ կընկնեն, իսկ այնտեղից էլ կանցնեն աղքատների զրամարկղը, որն առանց այն էլ արդէն հարստացել է այսօրուայ ներկայացման արդիւնքով:

Շիմշելը չէ երևում այն խմբակի մէջ,

որ երգով և ծիծաղով դիմում է Բողենդորֆ վաճառականի տունը:

Այնտեղ, ուր սահուն մայրերի վրայ ընկնում է իւղավառ լապտերների աղօտ լոյսը շարժւում է մի մարդու պատկեր: Երբ նա հաւասարւում է լապտերների սիւներին՝ նըրանից թափւում են ծիրանի, ոսկու և ադամանդի ցումունքներ, որոնցով նա ամբողջապէս ծածկուած է. իսկ երբ ծածկւում է խաւարի մէջ՝ նրա երկար վերարկուն սպիտակին է տալիս, որպէս հսկայական թռչունի թևեր: Երևում է, որ այդ անձի համար ծանրը չէ իւր միայնութիւնը:

Նրա հաստատուն գնացքի մէջ ոյժ է զգացւում, իսկ կուրծքից դուրս են թռչում յաղթանակի, ուրախութեան երշեր:

Պալատի աւերակների տակ, ընդհանուր կոտորածից յետոյ, Շիմշելը մեռելներից յարութիւն առաւ, մոռացաւ բոլոր անարգանքները և տանջանքները, բայց ոչ մի բոպէ չը դադարեց «հզօր Սամսոն» լինելուց. ընդհակառակն, այժմ անցնելով մի փողոցից միւս փողոցը կիսով չափ լուսաւորուած կամ խաւար լուսամուտների առաջից՝ նա յիշում է իւր կատարած մեծ գործը և իրան ուրախութեամբ և հպարտութեամբ լցուած է զգում:

Ժամանակ առ ժամանակ նրա առաջ աղօտ կերպով փայլում է դաւաճան, անհաւատարիմ Կալիլայի պատկերը... և այն ժամանակ մի ինչ-որ վիշտ, մի ինչ-որ ափսոսանք ճմլում է նրա սիրտը, բայց նա իսկոյն մխիթարւում է իւր հայրենիքի, Հրեաստանի յիշողութեամբ, այն հայրենիքի, որը նա փրկեց արիւնից, արտասուենքից և հրդեհից: Այն ժամանակ նա բարձր բռնելով գլուխը՝ ժպտում է, երգում է աւելի բարձր, աւելի ուրախ և խաւար փողոցի անհարթ սալայատակի վրայով գնում է՝ ինչպէս դափնիների վրայով:

Շիմշելն այսպիսով անցաւ բուլվարը, թեքուեց դէպի մի նեղ փողոց: Մեքենաբար, ըստ սովորութեան, նա քայլերն ուղղեց դէպի բնակարանը և չմտածելով, թէ ինչ է անում՝ ձեռքը դիպրեց ցածր դռան սողնակին և կանգ առաւ իւր սենեակի շեմքի վրայ: Մի քանի րոպէ մնաց նա անշարժ:

Սենեակում, սեղանի վրայ, լուսամուտի առաջ, վառւում էր լամպը և փչում դէպի առաստաղ գարշահոտ ձանձախարիթի հոսանք: Սւետի հեռուն մոխրագոյն, ցած պատեր, մահճակալներ փետրալից դօշագներով, ամեն կողմ փռուած, կեղտոտ, պատառոտուն ըզգեստներ, քնած մարդկանց կերպարանքներ—

այս բոլորը կիսախաւարի մէջ խառնւում, կազմում էին մի վայրենի քաօս, որ բոլորովին անմատչելի էր Շիմշելի հասկացողութեան: Միայն երկու-երեք ըոպէից յետոյ նա կարողացաւ ուշքի գալ:

Անհետացաւ հրաշալի յափշտակիչ երազը, և նա հասկացաւ, որ ինքը Սամսոն չէ, հօր հսկան, Աստուածաշնչի բանաստեղծական հերոսը, այլ պարզապէս Շիմշելն է, Հերշոնի որդին, ներկայ ժամանակների գիտնականը, որ անց է կացրել իւր կեանքի օկիցքը և պիտի անց կացնէ նրա մնացորդը այս նեղ, խոնավ սենեակում, տքնելով երկար, անսահման երկար տողերով գրքերի վրայ:

Տարօրինակ բան: Գիրքը տեսնելիս՝ Շիմշելի դէմքի վրայ դրոշմուեց անբաւականութիւն, համարեա զգուանք: Նա գլուխը շուռ տուեց միւս կողմը: Մի քանի գանգաղ քայլեր փոխեց և նստեց աթոռի վրայ:

Պարզ է, որ նա չէ կարողանում նայել գրքին: Նրա յօնքերի մէջտեղում առաջ է գալիս խոր կնճիռ և ձգում է նրա ամբողջ դէմքի վրայ մռայլ, բարկացկոտ մտախոհութեան արտայայտութիւն:

Նա տեսաւ բոլորը, և՛ ուրախութիւն, և՛ բախտ, վիշտ կրեց, զոհ բերեց, տանջուեց և

յաղթանակեց: Բայց այն մի միայն երազ էր, և այժմ նորան վիճակում է վերադառնալ գրքի դեղնած թերթերին, դէպի անվերջ խոհերը, դէպի ծանր աշխատանքը:

— Ի՞նչ օգուտ դուրս կգայ սրանից ինձ համար և մարդկանց համար: Նա մտածեց նաև մարդկանց մասին... Այժմ թնջ անէ նա դէպի մարդիկ ունեցած այն ջերմ, անկեղծ սէրը, որ այնտեղ, թատրոնական բեմի վրայ եռում էր Սամսոնի հօր կուրծքի մէջ և մնաց այժմ Շիմշելի թոյլ կուրծքի մէջ: Նա թնջպէս արտայայտէ, ո՛ւր ուղղէ այդ սէրը: Ի՞նչպիսի գործերով նա կկարողանայ յագեցնել այդ սիրոյ այրող ծարաւը: Իսկ թնջ անէ նա միւս սիրոյ նախազգացումը, սիրոյ, որ սիրուն Դալիլայի փայլուն աչքերը և ճկուն իրանը բորբոքեցրել էին նրա մէջ, այն ջերմ սիրոյ, որ բուն գնելով Սամսոնի մեծ սրտում՝ լրցնում էր նրան արտասուքով և անտանելի վշտի հառաչանքներով:

Իդէալներ...

Սամսոնը դրանց անունները չգիտէր, բայց երբ միանգամ փայլեցին նրա աչքերի առաջ՝ նա կպաւ նրանց ամբողջ հոգով: Նրա առաջ փայլեց մեծագործութեան, սիրոյ և փառքի իդէալը. ո՛, երբ այդ իդէալն անյայտացաւ,



ինչո՞ւ համար այնպէս փոքրացաւ, չնչին դարձաւ նրա անպտուղ ճարտարահիւս գիտնականութեան միակ չոր իդէալը:

Նա գլուխը քաշ ձգեց և նայեց իւր ըզգեստին:

Տարօրինակ ժպիտ փայլեց նրա շրթունքներին:

Սամսոնի սպիտակ վերարկուն, նրա ծընկներին ցած էր իջնում նուրբ ծալքերով: Մանեակը լամպի լոյսի առաջ փայլփլում էր ծիածանի բոլոր գոյներով, սաղաւարտից քաշ էր բնկել ծանր գարգամանակը: Շիմշելը ժուպապ տարօրինակ, երկարատև ժպիտով, վերջրեց գլխից սաղաւարտը, դրեց սեղանի վրայ և երկար, երկար դիտում էր նրան վառուած աչքերով, որոնցից գլորուեցին երկու մեծ, ծանր արտասուքի կաթիլներ:

— Մնաս բարե, հզօր Սամսոն: Մեծ մարդ, դու ինձ սովորեցրիր, որ աշխարհում կան մեծ գործեր, մեծ սէր դէպի մարդիկ, գեղեցիկ Դալիաներ... և փոքրիկ թոյլ, թըռուառ Շիմշելներ:

Նա հասկացաւ, որ երբէք մեծ, իմաստուն, երջանիկ չէ եղել, և այնպէս սաստիկ սեղմեց բռունցքները, որ ոսկորները ճարճարտեցին: Յետոյ հերթը հասաւ մանեակին:

Երկար ժամանակ Շիմշելը բռնել էր այն իւր առաջ, իսկ փայլուն հուլունքների ցանցից էլ աւելի պայծառ փայլում էին նրա սև, արտասուքով լի աչքերը:

— Մնաս բարե, հզօր Սամսոն, մնաս բարե, մեծ մարդ: Այս ասելով՝ նա բարձրացրեց աչքերը. ձեռները մանեակի հետ ընկան նրա ծնկների վրայ: Տարօրինակ տեսարան ներկայացաւ նրա աչքերին: Մանեակի մուսկլ խորքում սփռուած էին փայլուն կէտեր: Այդ կէտերը մարդկային աչքեր էին և փայլում էին զանազան բարձրութեան վրայ, բայց նրանց տերերը բոլորովին ծածկուած էին խաւարի մէջ: Բոլոր այդ վեց զոյգ աչքերը ուղղուած էին Շիմշելի վրայ և արտայայտում էին զարմանք, հրճուանք և ուրախութիւն: Այն ըոպէն, երբ նա ցած թողեց ծնկների վրայ ձեռները մանեակի հետ՝ բոլոր կէտերը — սև, կապտագոյն, մոխրագոյն, սկսեցին մօտենալ նորան, և բոլորովին վերևում վառուեցին դաձեալ երկու նորերը, պայծառ դեղնագոյն: Սրանք կատուի աչքերն էին, որ նոտած էր վառարանի վրայ, նայում էր տանտիրոջն ու մօմօում: Ներքևում տեղաւորուած էին բոլոր երեխաներն ու Յիպան: Շիմշելի գալու ըստ էին նրանք քնած էին, բայց յետոյ զարթեցին և նրս-

տելով գետնին այնտեղ, ուր նրանց վրայ էր հասել քունը՝ հեռուից դիտում էին ամուսնու և հօր շքեղ հագուստը:

Վաղուց էին արդէն նրանք նստել շունչերը բռնած, որպէսզի չխրտնեցնեն ծիրանիներով և ոսկով սլատած տեսիլը: Ամենից առաջ խաւարից դուրս եկաւ Յիսկան և կամացուկ սողաց դէպի ամուսնու ծնկները:

Այստեղ նա նստեց գետնին, բարձրացրեց իւր թուխ, կնճռոտ դէմքը, որ եզերուած էր սև չամչիկի ծալքերով, խաչեց ձեռները և սիրով լի աչքերը յառեց ամուսնու դէմքին:

Նրա յետևից խաւարի միջից երևեցան Մէնդելի և Եսթերիկի բոցադոյն կարմիր գլուխները, Ենովքի նիհար, գունատ դէմքը և ամենից վերջը Լիբան խճճուած մազերով և Լէյզերին խտտած:

Ի ուրը լուռ էին:

Երկու ժամանակ լուռ էր և հերթով նայում էր իւր շրջապատողներից ամեն մէկին. վերջապէս բոլորի վրայ մի հայեացք ձգեց, արագութեամբ ծածկեց երեսը ձեռներով և լաց եղաւ դառն արտասուքով:

— Իմ խեղճ զաւակներ, օ՛, դուք իմ խեղճ ձկնիկներ, ագամանդներ, — դուրս թռաւ Երմշելի ճնշուած կուրծքից. — Քնչ պիտի անեմ

եւ ձեզ համար, Քնչ կարող եմ անել: Ես ինքս աղքատ, թոյլ և այնպէս տգէտ, այնպէս չիմարեմ: Բուք էլ ց կլինիք միշտ աղքատ, թոյլ և չիմար: Ես միտոյոյ միտոյ մանկարծ նրա հառաչանքներն ու արտասուքներն ընդհատուեցին: Նայվեր ցատքեց աթուղից, մօտեցաւ լուսամուտին և ըսկսեց նայել խաւարին:

Այսպէս ամնաց նա միւրոպէս և ահա... կրկին նրա առաջ ծրագրուեց ոսկեայ սանդուղքը, աստիճանների վրայ սփռուած հրեշտակներով և կատարին ունենալով սպիտակ, հեզ, փշով պսակուած հրեշտակը:

Երմշելը շուռ եկաւ դէպի իւր ընտանիքը և Լիբայի ձեռքից խլեց փոքրիկ Լէյզերին:

Եթէ մէկը լուսամուտից ներս նայէր այս փոքրիկ աղքատիկ սենեակը, որ լուսաւորուած էր փոքրիկ լամպի լուսով՝ նրա աչքին կներկայանար հետեւեալ օտարոտի տեսարանը:

Փոքրիկ սենեակի խորքում, ամենայետխ շարքում, վառուած էին կատուի դեղին աչքերը: Աւելի մօտիկ, խաւարի Փօնից դուրս, երևում էին Լիբայի և Ենովքի գունատ զարմացած դէմքերը. էլ աւելի մօտիկ Եսթերիկն



48 78

